

**ЎЗБЕКИСТОН РЕСПУБЛИКАСИ
МАДАНИЯТ ВА СПОРТ ИШЛАРИ ВАЗИРЛИГИ
РЕСПУБЛИКА МЕТОДИКА ВА АХБОРОТ МАРКАЗИ**

О.Ф.НАЗАРОВ

**ҚАШҚАР РУБОБИДА
ЎҚИТИШ УСЛУБИЁТИ**

*(Маданият ва санъат лицей, коллежларининг талабалари ва
ўқитувчилари учун ўқув-услубий қўлланма)*

Тошкент – 2008

Ушбу ўқув-услубий қўлланма қашқар рубобида ўқитиш услубиёти, рубоб ижрочилигининг ўзига хос томонлари, шунингдек устоз-шогирд муносабатлари каби масалаларни ёритишга багишиланган. Ўқув қўлланма маданият ва санъат ўқув юртларида «Мизробли чолгулар мутахассисликлари» ҳамда «чолғушунослик» каби фанлар бўйича фойдаланишга мўлжалланган.

Масъул муҳаррир:

Б.МАТЁҚУБОВ – санъатшунослик фанлари номзоди

Тақризчилар:

Р.ҚОСИМОВ – Ўзбекистон Давлат консерваторияси «Анъанавий ижрочилик» кафедраси мудири, профессор

О.ТОШМАТОВА – санъатшунослик фанлари номзоди, доцент

Р.ҚИПЧОҚОВ – Т.Қодиров номли Фаргона давлат санъат коллежининг олий тоифали ўқитувчиси, Республикада хизмат кўрсатган маданият ходими

*Ушбу ўқув қўлланма Ўзбекистон Республикаси
Маданият ва спорт ишлари вазирлиги
Ўзбекистон давлат консерваторияси
иммий-услубий кенгаши томонидан нашрга тавсия этилган*

Назаров О.

Қашқар рубобида ўқитиш услубиёти: Ўқув қўлланма маданият ва санъат лицей, коллежларининг талабалари ва ўқитувчилари № 3210703 «Ўзбек халқ чолгулари» мутахассислигига мўлжалланган.
/Масъул муҳаррир: Б.Матёқубов. – Т. 2008. – 108 б.



МУАЛЛИФДАН

Мазкур иш қашқар рубобида ўқитиш масалаларига бағишенгандан ўқув-услубий қўлланмалардан биридир. Бу қўлланмани ёзишдан асосий мақсад қашқар рубобида ўқитишнинг турли босқичларида чалишни ўргатиш услубиёти ва ҳар-хил кўникмаларни, ижро малакаларини шакллантириш, уларни ўзлаштиришнинг кўпчиликка маълум бўлган усул ҳамда услубларини бир мажмуя сифатида мутахассисларга тавсия қилишдан иборатdir.

Ушбу қўлланмага қадар Ф.Н.Васильевнинг «Рубоб дарслиги», «Қашқар рубоби учун гамма ва арпеджио аппликатураси», Қ.Усмоновнинг «Бошлангич рубоб дарслиги», Х.Нурматовнинг «Рубоб дарслиги», Р.Қосимовнинг «Анъянавий рубоб дарслиги» каби бир қанча қўлланма ва дарсликлар чоп этилаган. Қайд этилган дарсликларда қашқар рубоби ҳақида қисқа, умумий маълумотлар берилган. Ушбу қўлланманинг «Қашқар рубоби ҳақида маълумот» бўлимида таниқли бастакор ва созанда М. Мирзаев томонидан рубоб чолғусини Ўзбекистонга олиб келиниши ва оммалостиши, унинг бугунги кўринишга етиб келгунича қилинган ишлар, хусусан XX асрнинг 40-50 йилларида ўзбек чолғуларини такомиллаштириш натижасида яратилган рубоблар оиласи, ҳозирги кунда бу чолғунинг қандай турлари мавжудлиги, нафақат Ўзбекистонда, балки, қўшни давлатларда, хусусан Шинжон Уйғур Автоном Республикасида учрайдиган турлари ҳақида ҳам маълумотлар келтирildi.

Илгари чоп этилган ишларда ҳам ижрочилик ҳолати, ўнг ва чап қўллар, мизробни ушлаш, аппликатура ва позиция каби масалалар хусусида сўз юритилиб, умумий маълумотлар,

таърифлар билан чегараланган. Мазкур ишда ҳам юқорида зикр қилинган мавзулар ёритилиб ўқитиш, ўргатиш жараёнида учрайдиган бир қанча муаммолар, камчиликлар ва уларни тўғри ўзлаштириш, шакллантириш учун услубий тавсиялар билан бирга, уларнинг ўқув жараёнида ҳамда ижрочиликдаги аҳамиятлари ҳақида сўз боради. Шунингдек бир бўлим остида ижрочиликнинг бадиий хусусиятлари ва улар устида ишлаш мавзуларида ҳам бир қанча масалалар ёритилган.

Кўплаб дарслик ва тўпламларда, хусусан Ф.Н.Васильев томонидан яратилган ишларда гамма ва арпеджио масалалари атрофлича ёритилган. Рубоб ижрочилиги даражасининг анча ривожланганлиги ва бу чолғунинг бугунги кундаги ижро имкониятларини ҳисобга олган ҳолда гамма ва машқлар масаласи янгича бир таснифда кўриб чиқилди.

Ривожланган техника воситалари билан тўлиқ таъминланган ўқитиш жараёнида муҳим ўрин тутадиган устоз ва шогирд муносабатларига ҳам алоҳида тўхталиб ўтилдики, бизнинг фикримизча чолғуда ижро этишни ўргатиш соҳасида бу асосий омиллардан биридир.

Ишни тайёрлашда бугунги кундаги мавжуд педагогик ва ижрочилик тажрибаларига асосланилди. Қўлланмада келтирилган мусиқий намуналарнинг баъзиларини тегишли элемент акс этган бўлакларини келтирсак, баъзиларини ижро штрихлари, намунавий мисолларнинг моҳиятини, хусусиятини аниқроқ тушуниш мақсадида маълум куй бўлаги ёки мусиқий фикрни охиригача келтириб ўтилди.

Мавзуларни ёритишида муайян штрих, ижро безаклари ва ижро этиш усуллари, шу билан бирга уларни ўзлаштириш йўл-йўриқлари каби фикрларни ўқувчиларга аниқроқ тушунтириш мақсадида бу масалаларга солишириш, қиёслаш каби тамойилларга асосланган ҳолда ёndoшилди.

Китобда келтирилган мулоҳазалар охирги фикр бўлмай, китобдан фойдаланадиган ҳар бир мутахассис ўз фаолиятида ўқитишнинг янада мукаммалроқ усулларини топа олади ва ўқув амалиётида қўллайди деб ўйлаймиз.

Ушбу қўлланмадан нафақат қашқар рубоби синфи, балки торли-мизробли чолғуларни ўқитишда, шунингдек чолғуларда

ўқитиши услубиёти, чолғушунослик каби йўналишларда ҳам қўшимча адабиёт сифатида фойдаланиш мумкин.

Қашқар рубобида ва умуман чолгуларда ўқитишнинг ҳамда чолғу ижроилигинг кўплаб томонларини илмий-назарий ва илмий-услубий нуқтаи назардан тадқиқ қилиш, ўрганиш, янги-янги қўлланмалар яратиш келажакда бу соҳани ривожлантиришдаги асосий омиллардан бири бўлиб қолади.

ҚАШҚАР РУБОБИ ҲАҚИДА МАЪЛУМОТ

Рубоб чолгуси Марказий Осиё халқлари ўзбеклар, тожиклар, уйғурлар орасида қадимий ва оммалашган чолгулардан бири ҳисобланади. Қашқар рубобнинг асосан қачон ва қаерда пайдо бўлганлиги ҳақида аниқ маълумотлар йўқ. Шунга қарамай тарихий манбааларда «рабоб», «ребаб», «рубоб» чолгуси ҳақида кўплаб маълумотлар учрайди.

Бундай маълумотларни Абу Наср Форобий, Абу Али Ибн Сино, Абдураҳмон Жомий, Абдулқодир Марофий, Дарвиш Али Чангий, Абдурауф Фитрат каби кўплаб алломаларнинг асарларида кузатиш мумкин. XVII асрда Бухорода яшаган Дарвиш Али Чангийнинг «Мусиқа ҳақида рисола»сида XVI-XVII асрлардаги чолгулар ва созандалар ҳақида қимматли маълумотлар келтирилади. Ўша даврларда танбур, чанг, қонун, уд, рубоб, қобиз, фижжак чолгулари кенг тарқалган чолгулардан ҳисобланган.

Созандалар ҳақидаги маълумотлар орасида машҳур рубобчилар ҳақида ҳам сўз юритилади. Хусусан, «бухоролик Шайх Шамсий-Раббоний моҳир рубоб чолгучи, машҳур созанда сифатида танилган. Унинг ижроси тингловчиларга шу қадар кучли таъсир қилганки ҳеч бир кишини бефарқ қолдирмайди. Рубобнинг оҳангини эшишиб, бетакрор ижросидан ҳайратга тушган одамлар чор атрофдан тўпланаверишган экан».¹

Лекин бу асарларда сўз юритилган рубоб чолгулари айнан ҳозирги ёки бошқа бир кўринишдаги қашқар рубоби эканлиги ҳақида аниқ маълумотлар учрамайди.

¹ А.Одилов. «Ўзбек халқ чолгуларида ижрочилик тарихи» Т., «Ўқитувчи» 1995.

Қашқар рубобининг Шинжонъ уйғурлари орасида тарқалган «дўлон рубоби» номли тури мавжуд. Унинг дастаси пардасиз, нақшли фасон қулоги² ҳамда учта асосий ва бир неча резонатор торлари бўлиб, мизроб билан чалинадиган созлардан ҳисобланади.

Бу чолгу қадимги Торин ва Ёркент дарёси бўйларидаги воҳаларда яшаган Дўлон қабилаларининг қадимий чолгу асбоби ҳисобланниб, мелоддан 4 аср олдин кўлланилган деган маълумотлар бор³.

Хитой тарихчилари томонидан ёзиб қолдирилган «Тан подшолиги даврининг муҳим баёнлари» китобининг 33 жилдида «Қашқарлик беш торли рубоб устаси Пилол (Хитойда уни Пей Шин Фу деб аташган) рубобни мизроб билан чалади ва кейинчалик унинг бу хилда қадимги чалиш усули ҳамма жойларга тарқалиб кўплаб халқлар, мамлакатлар томонидан қабул қилинган» деган фикрлар келтирилади..

Қашқарда яшаган машхур рубобчилардан Тошвой рубобчи (1864-1898) қашқар рубобининг оммалашшида катта ҳисса қўшган. Унинг кўплаб шогирдлари етишиб чиққан ва «Тошвой» деган мусиқаси ҳозирги кунда ҳам уйғур созандалари орасида машҳурдир⁴.

Бугунги кунда уйғур халқ мусиқа ижрочилигига рубоб чолғусининг «подачи рубоб», «қашқар рубоб», «дўлон рубоб» ва «бас рубоб» деб номланган 4 тури кенг кўлланилмоқда.

Уйғур қашқар рубоби – уйғур халқининг энг оммалашган чолғуси сифатида шаҳардан то кичик қишлоқларгача тарқалган. Унинг биринчи тори 1-октава «до» нотасига созланниб тўрттадан олтитагача резонатор торлари мавжуд.

Дўлон рубоби – «кумул рубоб» деб ҳам юритилиб асосий учта тори ля-ре-ля, ля-ми-ля, каби созланади. Бундан ташқари ўнтагача резонатор торлари бўлади.

² Рубобнинг ушбу безак шохлари Фарфона водийсида «фасон қулоги» деб ҳам юритилади. Кейинги бетларда «рубобнинг безак шохлари» жумласи ўрнига, «фасон қулоги» иборасини ишлатдик.

³ Нематилло Мўъжазий «Тавориҳи мусиқийн». Пекин миллатлар нашриёти. 1982.

⁴ «Уйғур 12 мақомининг мелодия алоҳидалиги». 1995. Шинжонъ халқ нашриёти.

Бас рубоби эса ре-ля-ре, ре-соль-ре ноталарига созланиб оркестрларда кенг қўлланилади⁵. Булардан ташқари уйгурларда рубобнинг 8 торли тури ҳам мавжудлиги ҳақида маълумотлар бор.

Маълумотларга қараганда, XIX аср охири XX аср бошларида ҳам Ўзбекистонда бу чолғу кам учраган ва дастасига ичак боғланган диатоник товушқаторли чолғулардан бири бўлган.

Мутахассисларнинг таъкидлашларича 1936 йилда Фарғона водийсининг сўлим Шоҳимардон қишлоғида бўлиб ўтган халқ сайлида машҳур рубобчи М.Мирзаев қашқарлик бир созандадан рубоб чолгусини харид қиласди ва Тошкентлик уста Усмон Зуфаров билан бирга бу чолғуни қайта такомиллаштирадилар. Натижада рубобнинг мензураси узайтирилади, дастаси эса латун қаламчалар билан пардаларга тенг бўлиниб, ҳозирги кўринишдаги рубобни яратадилар. Рубобнинг қайд қилинган нусхаси ҳозир ҳам устоз М.Мирзаевнинг уйида сақланмоқда.

XX асрнинг 40-50 йилларидан бошлаб, Тошкент Давлат консерваторияси қошида чолғуларни ўрганиш ва такомиллаштириш мақсадида профессор А.И.Петросянц бошчилигига экспериментал лаборатория ташкил қилиниб, унда ўзбек халқ чолғулари қайта ишлана бошланди. Жумладан қашқар рубоби ҳам қайта ишланиб, темперацияли товушқаторга асосланган прима, алът ва меццо-сопрано турлари яратилди. Натижада қашқар рубобида ўзбек халқ мусиқаси билан бирга кўплаб бошқа халқлар куйлари ва композиторлар асарларини ижро этиш имконияти пайдо бўлди. Рубоб-прима ҳозирги кунда амалиётда оркестр ва якканавоз ижрочиликда қўлланилаётган бўлса, қашқар рубобининг алът ва меццо-сопрано турлари қисман мактабларда ва оркестр ижрочилигига қўлланилоқда.

Рубоб примада тўртта тор бўлиб, биринчи тори иккинчи октава МИ, иккинчи тори биринчи октава ЛЯ, учинчи тори биринчи октава РЕ ва тўртинчи тори кичик октава СОЛЬ ноталарига созланади. Меццо-сопрано рубоби эса биринчи жуфт торлар биринчи октава ЛЯ, иккинчи жуфт торлар биринчи октава МИ, учинчи тор эса кичик октава ЛЯ ноталарига созланади.

⁵ «Уйғур чолғу асбоблари». Турсунжон Латип. Шинжонъ Университети нашри. 1997.

Меццо – сопрано рубоби биринчи жуфт торлар биринчи октава ЛЯ, иккинчи жуфт торлар биринчи октава МИ, учинчи тори кичик октава СИ ноталарига созланади.

Альт рубоби эса бешта торли бўлиб, биринчи ва иккинчи торлар жуфт торлар, учинчиси эса ичак тордан иборат бўлиб, биринчи октава РЕ, кичик октава ЛЯ, кичик октава МИ ноталарига созланади. Қашқар рубобининг товуши ёзилганидан бир октава паст эшитилса, янги яратилган рубоболар нота ёзуви баландлигига мос жаранглайди.⁶

Такомиллаштириш натижасида яратилган рубобларни фабрикада кенг миқёсда ишлаб чиқаришни йўлга қўйиш мақсадида, бу рубобларнинг косаси ёғоч қовургаларни бириктириб ишлана бошланди. Кейинчалик усталар такомиллаштирилган рубобларнинг ўйма косали турларини ҳам яратдилар⁷. Бугунги кунда рубобнинг қовурғали ҳамда анъанавий ўйма қашқар рубоб турлари амалиётда кенг қўлланилмоқда.

Қовурғали рубоб дастасининг узунлиги анъанавий ўйма қашқар рубобига нисбатан қисқароқ ва ёғоч қулоқлар ўрнига металлдан ясалган механик қулоқлар ўрнатилганлиги билан фарқ қиласди (1-2 расмлар).



1-расм



2-расм

⁶ «Инструментоведение» А.И.Петросянц. Т., Ф.Фулом номидаги санъат ва адабиёт нашриёти. 1990.

⁷ Эслатма: Такомиллаштирилган рубобни бундан кейинги бўлимларда «қовурғали рубоб» деб юритдик.

Қовурғали рубоб асосан бошланғич ўқув даврида, ўзининг ихчамлиги ва созлаш имкониятининг бирмунча енгиллиги билан нисбатан қулай ҳисобланади. Анъанавий ўйма қашқар рубоби мензураси узунлиги сабабли товуш жарангдорлиги ва тиниқ садоланиши билан ажралиб туради.

Қашқар рубобининг даста қисмида асосан 24 та металл пардалар жойлашган бўлиб, улар рубоб товуш қаторига хроматик тарзда 0,5 тондан қилиб жойлаштирилган ва тартиб бўйича бош қисмидан коса қисмига қараб саналади. Дастанинг бош қисми томонидан юқори ҳаррак ўрнатилган бўлиб, торлар шу юқори ҳаррак орқали қулоқларга тақилади. Юқори ҳаррак очиқ торларнинг таянчи ҳисобланади. Дастанинг косага туташган жойида фасон қулоқлари мавжуд.

Қашқар рубобнинг косаси асосан тут дараҳтидан, дастаси эса ўрик дараҳтидан ясалади. Торларни тортиб турувчи илмоқлар ҳам коса қисмида жойлашган бўлиб, улар ҳам ёғочдан ёки металлдан ишланган бўлиши мумкин.

Рубоб косаси балиқ тери билан қопланади ва унга ҳаррак ўрнатилади. Ҳаррак юмшоқ ёғоч ёки пластмассадан ясалган бўлмаслиги керак, аксинча қаттиқ ёғочдан ва ихчам шаклда бўлиши мақсадга мувофиқдир. Бундан ташқари ҳарракнинг баландлиги ва торларнинг бир-бирига нисбатан жойлашуви ҳам жуда муҳим. Торларнинг ораси жуда тор ёки кенгроқ бўлиши мумкин эмас, чунки торлар ўзаро жуда яқин бўлса бармоқлар билан босилганда бир-бирига тегиб қолади ва аксинча торлар ўзаро масофаси меъёридан кенгроқ бўлса, торлар бармоқлар остидан чиқиб кетиши мумкин. Жуфт торлар ўртасидаги ўзаро масофа ораси тахминан 3 мм бўлса, биринчи, иккинчи ва учинчи торлар орали оралиги 10-12 мм бўлиши мақсадга мувофиқдир.

Ҳарракнинг баландлиги асосан чолгунинг садоланиши ва пардаларнинг аниқ созланишига мувофиқ ҳолда танланади. Бунда торлар дастадан жуда ҳам баланд ёки паст бўлмай чап қўл билан торларни пардага босиш учун қулай даражада бўлгани маъқул. Чунки, ҳаррак баланд бўлса жуда нокулай, паст бўлса овознинг сифати ўзгариб кетишига сабаб бўлади.

Қашқар рубобида асосан бешта тор бўлиб, уларнинг тўрттаси металл ва биттаси ипак торлардан иборат. Металл торлар жуфт-жуфт қилиб, ипак тор эса алоҳида созланади.

Амалиётда 1-жуфт торларнинг қалинлиги 0,23- 0,24 мм, 2-жуфт торлар эса 0,25-0,28 мм қалинликда бўлади. Лекин ҳар бир чолғу ўзига хос бўлганлигини ҳисобга олиб, бу ўлчовларни рубобнинг овоз сифати ва созланишининг энг яхши ҳолатида танлаш мақсадга мувофиқдир. Юқорида таъкидлаганимиздек қашқар рубоби транспорт қилувчи чолғу бўлиб, ёзилишига нисбатан бир октава паст эшитилади. Қашқар рубоби соф квартада интервали, квартада-квинта ва квinta-квартада интерваллари бўйича қуйидагича созланади:

1) Квартада интервали бўйича;

- 1-чи тор кичик октава **ЛЯ**
2-чи тор кичик октава **МИ**
3-чи тор катта октава **СИ**

2) Квартада – квinta-квина интервали бўйича:

- 1-чи тор кичик октава **ЛЯ**
2-чи тор кичик октава **МИ**
3-чи тор катта октава **ЛЯ**

3) Квина – квартада интервали бўйича:

- 1-чи тор кичик октава **ЛЯ**
2-чи тор кичик октава **РЕ**
3-чи тор катта октава **ЛЯ**

Қашқар рубобни созлашда аввал **ЛЯ** тори созланиб кейин унга мос равишда бошқа торлар созланади. Торларнинг созланганлигини 1-торда **МИ** нотасини (агар квinta-квартада созланган бўлса **РЕ**) босиб 2-симнинг очиқ торларини чалиб октавани ва аксинча 2-торнинг 5-пардасини (квinta-квартада созланган бўлса 7-парда) босиб унисон созланишини эшитиб кўриб, текшириш мумкин. 3-тор ҳам худди шу усулда текширилади.

Бундан ташқари торлардаги айрим пардаларни октава оралиғида садоланишини албатта текшириб кўриш керак. Чунки, фақат очиқ торларнинг октавасини текшириш билан чекланилса, торларнинг эскириши ёки парданинг ҳар-хил температурада ўзгариши ҳисобига бошқа пардалар соз бўлмай қолиши мумкин. Бундай ҳолатда ҳарракни олдинга-орқага суриш билан созни тўғрилаш мумкин (агар пардалар очиқ

торга нисбатан баланд бўлса ҳаррак илмоқлар томонга сурилади ва аксинча).

Агар жуфт торлардан бири узилса албатта янги жуфт торлар кўйиш тавсия этилади, чунки узилган тор билан узилмаган торнинг чўзиши даражаси ҳар-хил бўлиб торлар бир-бирига соз бўлмайди.

Ўзбекистон давлат Консерваторияси қошидаги экспериментал лабораторияда кўп йиллар ижодий изланишлар олиб борган уста Усмон Зуфаров томонидан қашқар рубобининг қўйидаги қўринишдаги намуналари яратилган. «Тошкент рубоби» (3-расм), «Тамараҳоним» (4-расм) ва «Қашқар рубоб» (5-6 – расмлар)⁸.



3-расм

4-расм

5-расм

6-расм

Бугунги Ўзбекистон ва Тожикистон худудларида қашқар рубоби кенг тарқалган бўлиб, бу чолғуда шашмақом асарлари ва халқ қуйларидан тортиб, композиторлар ижодига мансуб бўлган мураккаб, йирик шаклдаги асарларни чалиш имконияти мавжуд.

⁸ Ушбу маълумотлар Ўзбекистон давлат консерваторияси миллий чолгулар музейидан олинди.

ҚАШҚАР РУБОБИДА ИЖРОЧИЛИК ТАЪЛИМИ

Қашқар рубоби ижрочилик амалиётида жуда кенг қўлланадиган чолғу ҳисобланади. Қашқар рубоб ўтириб ва туриб чалинадиган созлардан бўлиб, оркестр, ансамбль ижрочилигида ва яккахон ижрочилиқда жуда кўп қўлланилади

Чолғуни яхши ўзлаштириш учун ижро пайтида уни тўғри тутиш мухимдир. Ижро пайтида ижрочининг ташқи кўриниши чиройли бўлиши, гавданинг, оёқ, қўлларнинг эркин тутилиши катта аҳамиятга эга (7,8-расмлар).



7-расм



8-расм

Ижрочилик ҳолатига дастлабки машғулотларданоқ катта эътибор бериш керак. Бунда ўнг ва чап қўлларнинг ҳолати, яъни чолғуни тўғри ушлаш, дастани тўғри тутиш, мизробни

тўғри ушлаш каби элементларнинг бир-бири билан ўзаро муносабатда бўлишини таъминлаш энг асосий вазифалардан биридир. Чолгуни тутиш ҳолатидаги мавжуд бўлган камчиликлар қўпинча ижрочилик маҳоратининг паст даражада бўлишига ҳатто гавда тузилишининг нотўғри шаклланиб қолишига сабаб бўлади.

Ижрочилик ҳолатининг тўғри бўлиши ижрочига узоқ вақт чарчамасдан чалиш имкониятини беради. Бу эса ўқувчининг мунтазам равишда мустақил шуғулланишига ёрдам беради. Агар ўқувчида қўлларнинг, гавда қисмларининг қотиб қолиш ҳолатлари кузатилса у тез чарчайди, демак давомли равишида шуғуллана олмайди.

Ижрочилик ҳолати бир ёки бир неча дарсда ўзлаштириладиган жараён эмас. Тажриба шуни кўрсатадики, ўқитувчи ўқувчи ёки талаба билан доимий равишида ижрочилик ҳолати устида ишлаш давомида уни нотўғри бўлиб қолмаслиги учун назорат қилиб бориш керак. Чунки ижрочилик ҳолати аввал яхши бўлиб, кейинроқ бузилиши ҳам учраб туради. Бундан ташқари ижрочилик ҳолати ўқувчи – ижрочининг концерт ижрочилигига, айнан яккахон солист сифатида ижрочилигига чолғу билан ҳамоҳанг ҳаракат қилишда, мусиқий асарнинг моҳиятини очиб беришда ва тингловчи томошабинда бадиий-эстетик таасурот қолдиришда асосий омиллардан биридир.

РУБОБНИ УШЛАШ ВА ТОВУШ ҲОСИЛ ҚИЛИШ КҮНИКМАЛАРИНИ ШАКЛЛАНТИРИШ

Рубоб косасини ушлаб туришда 3 нүкта асосий таянч вазифасини бажаради.

Бу таянчлар:

- а) гавданинг кўкрак қисми,
- б) косани илмоқлар томонидан тутиб турувчи билакнинг юқори қисми.
- в) ўнг қўлнинг рубоб косасини тагидан тутиб турувчи билак қисми (9-расм).



9-расм

Бу уч нүкта жуда муҳимдир. Улар рубоб косасини пастга тушиб кетмаслигини ва аксинча тепага ёки ёнга чиқиб кетмаслигини таъминлайди.

Үнг қўлнинг тирсак қисми рубоб косасини тагидан ушлаб туради. Демак, үнг қўлни рубоб косасининг четига шундай қўйиш керакки, мизроб рубоб ҳаррагидан 7-8 см узоқликда жойлашган бўлсин. Бундай ҳолат айнан үнг қўлнинг пастга юқорига эркин ҳаракатланишини ва сифатли товуш ҳосил қилишни таъминлайди (10-расм).



10-расм

Агар мизроб ҳарракадан узоқлашиб кетса, үнг қўл билак қисмининг қотиб қолиши ва товушнинг қўпол ёки ёқимсиз бўлиб қолиши тажрибада кузатилади. Аксинча агар мизроб (яъни қўлнинг панжа қисми) ҳарракка жуда яқин бўлса билакдаги куч панжаларгача етиб келмай, фақат панжа қисмининг ўзигина ҳаракат қиласади. Бу эса рубоб косасининг қимиirlab ҳаракатланишига ва техник имкониятларнинг камайишига, натижада товуш кучи ва сифатининг пасайишига олиб келади.

Маълумки, мизроб барча мизробли чолгуларда товуш ҳосил қилишнинг асосий воситасидир. Мизроблар шаклан ҳар-хил бўлиб, пластмасса ёки эбонитдан тайёrlанади. (11-расм).



11-расм. Пластмасса ва эбонит

Амалиётда мусиқа мактабларида ўқитишнинг дастлабки босқичларида асосан пластмасса мизробдан фойдаланилади. Унинг шаклан каттароқ ва юмшоқлиги янги ўрганилаётганда бирмунча куладидир. Эбонитлар албатта пишиқлиги ва сифатли товуш ҳосил қилиши билан пластмасса мизробдан афзал ҳисобланади.

Мизробни ушлаш учун ўнг қўл бармоқлари ярим айлана ҳолга келтирилади. Бунда бармоқларнинг сўнгти бўғинлари бир текисда букилиб, кўрсаткич бармоқнинг тирноққа яқинроқ жойига мизроб қўйилади ва бош бармоқ билан бўғинлари букилган ҳолда ушланади (12,13-расмлар).



12-расм



13-расм

Акс ҳолда мизробни сезиш ва бошқариш имконияти йўқолади. Айниқса мактаб ўқувчиларида мана шу хато кўп кузатилади. Бу техник камчиликларга сабаб бўлиб, ҳар-хил

штрихлар ва асарни динамик жиҳатдан тўлақонли ижро этиш имкониятларини камайтиради.

Шу камчиликни бартараф қилишда қўйидаги услубни тавсия қиласиз. Ўқувчи ўнг қўлининг тўрт бармоғи бўғинлари билан эркин ушлай оладиган бирон нарсани, (тахминан ручка қалинлигидаги маҳсус чўп бўлиши мумкин) ушлатиб, ундан кейин мизробни кўрсаткич бармоқнинг охирги бўғинига тирноққа яқинроқ жойга қўйиб, бош бармоқ бўғинлари букилган ҳолда ушланади ва синфда ўқитувчининг назорати остида машқ қилинади. Бундай машқ қилинганда панжалар ораси очилиб ҳам ёки аксинча жуда кўп букилиб ҳам кетмасдан меъёрда бўлади ва ўз-ўзидан мизробни қўйишга ва ушлашга қулай ҳолат юзага келади.

Товуш чиқариш усули барча мизробли чолгуларда деярли бир хил. Албатта ҳар бирининг ўзига хос томонлари мавжуд бўлиб бундан қашқар рубоб ҳам ҳоли эмас. Қашқар рубобида товуш чиқариш усулларининг бошқа мизробли чолгулардан фарқи ёки ўзига хослиги шундан иборатки, унинг дастасининг узунлиги, торларининг майнлиги ва жарангдорлиги ҳамда ижро имкониятларининг кенглиги қашқар рубобда ўзбек классик мусиқаси, мақом куйлари ҳамда дунё композиторлари асарлари намуналарини ижро этиш имкониятини беради.

Товуш чиқариш усуллари асосини пастга ва юқорига уриладиган зарблар ташкил қиласди, яъни қашқар рубобида мизроб билан пастга ва юқорига зарб бериб, товуш ҳосил қилинади ва бу зарбларнинг турли хил комбинацияларидан товуш чиқаришнинг хилма-хил усулларини ҳосил қилишимиз мумкин.

Шу 2 та усулни кўриб чиқамиз.

Пастга зарб – П ёки Л, юқорига зарб эса У – белгиси билан ифодаланади. Ўргатишнинг дастлабки босқичида ўқувчига мизробни тўғри ушлашни ўргатилгач, албатта пастга зарб билан чалишни ўргатишдан бошланади. Бунда ўнг қўл панжалари эркин ҳаракат билан пастга зарб беради. Бу машғулотни очиқ торларда маълум вақт давом эттирилиб, кейин чап қўл билан энг қулай босиладиган пардаларда давом эттирилса, ўзлаштириш осон бўлади.

1-мисол



2-мисол



Юқоридаги мисол ва шунга ўхшаш машқұларни чалганда ўнг қүл навбатдаги зарбни беришга тепага күтарилаётганда мизроб симга тегиб кетмаслиги учун айланма ҳаракат қилиш керакки, бу ўнг қўлнинг сиқилмасдан ҳаракат қилишига ёрдам беради.

Юқорига бериладиган зарб эса мизробнинг пастдан тепага қараб урилиши билан ҳосил қилинадиган энг оддий усуллардан бири. Лекин айнан шу усулнинг тўлиқ ўзлаштирилмаслиги рез, триоль ва шу каби усулларнинг ҳам тўлақонли чиқмаслигига ва кейинчалик ҳам созандаларнинг ижросида товуш сифатининг пастлигига, кучсизлигига ва ўз-ўзидан мусиқий асарнинг ижроси тўлақонли бўлмаслигига сабаб бўлади.

Бунга асосий сабаб, юқорига урилган зарбнинг кучсизлигидадир, яъни ўнг қўлнинг пастга бўлган ҳаракати кучлироқ, юқорига ҳаракати эса кучсизроқdir. Буни тенглаштиришга алоҳида эътибор бериш керак. Чунки, агар юқорига қанчалик зарб билан урилмасин мизробнинг торга тегиш нуқтаси нотўғри бўлса товуш нотекис ва сифатсиз бўлиб қолаверади. Аксарият ҳолларда ўқувчиларнинг юқорига берадиган зарблари фақат битта симга тегади ёки ўнг қўлнинг айланма ҳаракат қилмаслиги сабабли медиатор билан симга пастдан зарб берилмай, тирнаб овоз чиқариш ҳолатлари кузатилади.

Демак, юқорига кучли зарб бўлиши билан бирга пастга урилган зарбнинг товуш кучи билан баробар товушга эришишга асосий эътиборни қаратиш лозим, чунки *f* ёки *pp* чалинганда ҳам пастга-тепага уриб чалинади ва улар овоз кучи жиҳатидан бир-бирига тенг бўлиши керак. Бунга юқорида таъкидлаганимиздек айнан мизробни бошқара олиш билангина эришиш мумкин.

Қашқар рубобида мизроб билан товуш ҳосил қилишдан ташқари ўнг кўлнинг бош бармоги билан торларни уриб товуш чиқариш усули ҳам мавжуд. Бу «пиццикато» штрихини чалиш услубидир. У асосан оркестр ва ансамбль ижрочилигида аккордлар ҳамда айрим мусиқий жумлаларда жуда юмшоқ ижролар учун ишлатилади.

Модомики, қашқар рубобида ва умуман мизробли чолгуларда товуш асосан мизробнинг торга урилиши билан ҳосил қилинар экан, демак асосий эътибор ўнг қўл ҳолатига, мизробга ва уни бошқаришга қаратилса, мақсадга мувофиқ бўлади.

ЧАП ҚЎЛ БАРМОҚЛАРИ ҲАРАКАТЛАРИНИ ЎЗЛАШТИРИШ

Чап қўлнинг дастага тўғри қўйилиши, бармоқларнинг ҳаракатланиши, пардаларни ўз вақтида босилиши тоза товуш ҳосил қилиш малакаларини ўзлаштиришда катта аҳамиятга эга.

Рубоб дастаси бош ва кўрсаткич бармоқлар ўртасида бўлиб бунда даста сиқиб ушланмаслиги, бош бармоқ эса иккинчи ва учинчи бармоқлар ўртасида туриши керак. Бунда кафтнинг дастага ёпишиб турмаслигини доим назорат қилиш лозим. Дастребки ўрганиш даврида ўқувчиларда товушнинг тиниқ чиқмаслиги кузатилади. Бунинг сабабларидан бири пардаларни

бармоқларнинг учи
б и л а н
босмаслигидадир.
Б у н д а
б а р м о қ л а р н и н г
о х и р г и б ўғ и н и
а л б а т т а б у к и л г а н
б ў лиши в а п а р д а г а
к ў н д а л а н г э м а с ,
б а л к и к о с а т о м о н г а
қ а р а т и л и б , ш у
т о м о н г а я ъ н и
п а р д а г а я қ и н ж ой д а



14-расм

босиш мақсадга мувофиқдир (14-расм).

Рубобни ушлаганда дастанинг учи елка баландлиги билан баробар бўлгани маъқул. Чунки, бундай ҳолат ўқувчи учун қулай ва шу билан бирга чиройли кўринишга эга бўлади.

Агар дастанинг баланд ёки паст бўлиши кузатилса, унда ўнг қўлнинг ҳолатида камчилик бўлиши мумкин, сабаби иккала қўл бир-бири билан узвий боғлиқдир.

Чап қўлнинг тўғри қўйилишини таъминлаш учун амалда текширилган қуйидаги усулни тавсия қиласиз.

Биринчи торнинг МИ пардасидан СОЛЬ пардасигача тўрттала бармоқни юқорида кўрсатилганидек қилиб(14-расм) қўйилади. Бош бармоқ эса 2 – ва 3- бармоқлар ўртасига жойлашади ва кафтни дастага ёпиштиргмаган ҳолида бош бармоқнинг уни дастанинг юқори қиррасига тўғри қилиб қўйилади. Мана шу ҳолат ўқувчи билан дарс жараёнида амалга оширилади ва доимий кузатиб борилса, чап қўл бармоқларининг қандай қўйилиши бўйича ҳақиқий тасаввур ҳосил бўлади.

Қашқар рубобида бармоқлар белгиланиши қуйидагича;

1 – кўрсаткич
2 - ўрта
3 – номсиз
4 – жимжилоқ

Чап қўл дастага тўғри қўйилишини содда, қийин бўлмаган машқлар билан ўзлаштириб бориш керак.

3-мисол



4-мисол



5-мисол



6-мисол

The musical notation consists of two staves of eighth-note patterns. Each note is marked with a '1' above it and a '4' below it. The first staff starts with a quarter note followed by a series of eighth notes. The second staff follows a similar pattern.

Бу машқларни чалганда юқорига ҳаракат пайтида нотани чалиб бўлган бармоқларни пардаларни босиб туришига, пастга ҳаракат пайтида эса чалиб бўлган бармоқларнинг жуда кўтарилиб ёки пастга тушиб кетмаслигига алоҳида эътибор бериш керак. Биринчи бармоқ эса дастадан кўтарилимасдан сурилиб бориши лозим. Худди шу хатолар амалда жуда кўп учрайди, натижада ўқитишнинг юқори босқичларида йирик асарлар ижро этганда, чап қўлнинг нотекис ҳаракатланишига олиб келади.

Чап қўл бармоқларида учрайдиган шундай камчиликларни бартараф қилишда бармоқларнинг кенг жойлашган усулда яъни катта терция интервали қамровида дастага қўйиб чалмасдан маълум вақт мобайнида ушлаб туриш яхши натижада беради.

Кўпинча дастлабки ўрганиш даврида фақат 1-тор яъни **ЛЯ-** торидаги машқ ва кўйлар ўргатилади. Бу эса кейинроқ бошқа торларда ноталарнинг жойлашишини тез аниқлашда ва уларнинг ижро этишда муаммолар келтириб чиқаради. Шунинг учун иложи борича дастлабки даврданоқ ҳар-хил торларда машқлар ва кўйларни ўргатиш яхши самара беради.

7-мисол

The musical notation shows a single staff of eighth-note patterns with numerical values above each note. The values are: 0, 1, 2, 0, 1, 2, 1, 4, 4, 2, 4, 1, 0, 2, 1, 0.

8-мисол

The musical notation shows a single staff of eighth-note patterns with numerical values above each note. The values are: 0, 1, 0, 3, 0, 4, 0, 1, 3, 0, 1, 0, 3, 0, 1, 0. The staff is divided into two sections labeled *II-sim* and *I-sim*.

9-мисол

Самолёт

A.Илёсов

Секин

10-мисол

Бахор

O.Назаров

Үртача тез

Юқорида келтирилгандай машқ өзүншілдегі мисолдардан берілгенде, олардың орталық мисолдар болып саналады. Бу машқтар бир қарашда оддий бўлиб кўринсада, ўқувчи шундай машқлар орқали хархил торларда ноталар жойлашишини ўрганибгина қолмасдан, уларда чалиш кўникмаларини яъни ўнг ва чап қўл ҳаракатларини ҳам ўзлаштириб боради.

Мусиқа чолғусида ўқитиш индивидуал характерга эга бўлганлиги боис ўқитувчилар албатта бу жараёнга ҳам ижодий ёндошиб ҳар бир ўқувчининг қобилияти ва имкониятларини ҳисобга олган ҳолда уларга мос келадиган асарларни мақсаддага мувофиқ равишда танласалар ўрганилаётган усууллар, штрихларнинг осон ўзлаштирилишида кўзланган мақсадларга эришиш мумкин.

Асарлардан ташқари албатта бир октавали гаммаларни, (яъни ДО мажор, ЛЯ минор) маълум бир штрихда чалиш ўнг ва чап қўлнинг ривожланишига ёрдам беради.

11-мисол
До мажор

Musical notation for exercise 11 in G major. The notation is in common time (2/4), treble clef, and consists of two staves. The first staff shows a sequence of eighth-note pairs with fingerings: 1-3, 1-2, 4, 1, 3, 4. The second staff shows a sequence of eighth-note pairs with fingerings: 1-2, 1-2, 1-2, 1-2, 1-2, 1-2, 1-2.

12-мисол
Ля минор

Musical notation for exercise 12 in A minor. The notation is in common time (2/4), treble clef, and consists of two staves. The first staff shows a sequence of eighth-note pairs with fingerings: 1-2, 1-2, 1, 3, 4, 1, 3. The second staff shows a sequence of eighth-note pairs with fingerings: 1-2, 1-2, 1-2, 1-2, 1-2, 1-2, 1-2.

Умуман ўқитишининг кейинги босқичларида доимий равишда ҳар-хил штрихлар ва товуш сифати устида ишланганда ҳам икки оқтавали мураккаб гаммалар асосида машқлар қилиш чап қўлнинг ҳаракат тезлиги, равонлиги, енгиллигини ва товушлар ҳосил қилишда аниқликни ривожлантиради.

Замонавий композиторлар асарларида қашқар рубоби ижро диапазонининг юқори регистрларида ҳам пастки регистрларида ҳам тез суръатли, техник жиҳатидан ўта мураккаб асарлар учраб туради.

13-мисол

Концерт
(қашқар рубоби учун)
каденция

X. Раҳимов

Musical notation for exercise 13, Concerto cadence by X. Rahimov. The notation is in common time (2/4), treble clef, and consists of four staves. The first three staves are identical, showing a sequence of eighth-note pairs with fingerings: 6, 6, 6, 6. The fourth staff is identical to the others.



14-мисол

Концерт

O.Абдуллаева

Тез



15-расм

Юқоридаги мисолимизда ва шунга ўхшаш асарлар ижросида чап қўл бармоқларининг аниқ ҳаракати ва рубобнинг ҳар бир пардасини жуда яхши сезиши талаб этилади. Бунинг учун ҳар бир нотани бармоқлар учи билан босиши ва аппликатуранинг тўғри танланиши жуда муҳим ҳисобланади.

Кўпинча, айрим ўқувчиларда шундай асарларни 10-12-позицияларда ижро этганда чап қўлнинг қисилиб қолиши эркин ҳаракатлана олмаслиги ва дастанинг кўкракка тақалиб қолиш ҳолатлари кузатилади (15-расм).

Бундай ҳолда ўнг қўл ҳолатини синчиклаб кўриб чиқиш керак, унинг сабаби ижрочилик ҳолатининг бузилганлиги бўлиши (масалан, рубобнинг коса қисмини тутиб турадиган З нуқта ҳолати бузилган бўлиши) мумкин.

Юқорида таъкидлаганимиздек ўнг ва чап қўллар бир-бири билан узвий боғлиқ ва улар қашқар рубоб ижрочилик ҳолатини ташкил қиласди. Ижрочилик ҳолатининг бузилиб қолмаслигини эса доимий назорат қилиб туриш керак. Агар ўқувчиларга кўпроқ вазифалар бериб, уларни вақтида бажаришга ўргатиб, вазифа ва топшириқларни мураккаблаштириб борилса, улар учун қийинчиликларни енгиш ва ижро малакаларини тез ўзлаштириш имконият даражасидаги талабларга айланади ва қийинроқ бўлган асарларни ўзлаштириш осон кечади. Бу эса қийинчиликларни енгиш, муентазам ўз устида ишлаб бориш кўникмаларини шакллантиради.

ШТРИХЛАР ВА УЛАРНИ ИЖРО ЭТИШ УСУЛЛАРИ

Мусиқада штрихлар бадиий асарнинг моҳиятини, характерини ва бадиий ифодалиигини очиб берадиган ижро усулидир.

Айрим адабиётларда штрих, «товуш чиқариш усули» деб ҳам аталади. Айни бир пайтда штрихларни ҳар бирини алоҳида олиб изоҳлагандга товуш чиқариш усули бўлса, бадиий асар ижросида эса улар мажмуаси ижро усуллари кўринишида намоён бўлади. Чолғу ижрочилиги бу ижодий жараён. Чунки маълум бир мусиқий жумлани ҳар-хил штрихда чалиб кўрилгандан кейин ўша жумлани очиб бера оладиган штрих танланади. Мусиқий педагогика ва мусиқашунослик соҳасидаги изланишлар, композиторларнинг ижоди ва умуман мусиқанинг ривожланиши ҳозирги замон чолғу ижрочилигининг ва шу билан бирга ижро усулларининг ҳам ривожланишига асосий сабаб бўлмоқда.

Штрих устида сўз юритар эканмиз, ижрочиликда уларнинг аҳамияти жуда муҳимлигини таъкидлаб ўтмоқчимиз. Ўқитувчи ўқувчига янги, нотаниш асарни ўргатар экан унинг ҳар бир жумласини қандай штрихда чалиш мақсадга мувофиқлиги устида жиддий ўйлаб кўриши керак. Чунки педагогик тажрибадан маълумки, қашқар рубобида бошқа чолгулар учун ёзилган хилма-хил асарлар ижро этилади. Демак, бундай асарлар қашқар рубобида ижро этилганда шундай штрихлар танланиши керак-ки, асарнинг ижросида унинг бадиий моҳияти зарар кўрмасин.

Энди қашқар рубобидаги штрихларни бирма-бир кўриб чиқамиз. Товуш чиқариш усули деб атаганимиз пастга ва

тепага бериладиган зарблар нафақат қашқар рубоб ижрочилигиде балки барча мизробли чолгуларнинг асосий штрихларидан биридир. Улар қолган барча штрихларнинг асоси бўлиб хизмат қиласди. Пастга ва тепага бериладиган зарблар ҳақида «товуш ҳосил қилиш» бобида тўхталиб ўтган эдик.

Маълумки, қашқар рубобида куйчан, майин асарларни чалишда трекомо – яъни рез усулидан фойдаланилади. Рез пастга ва тепага зарб беришнинг тез ва узлуксиз алмашинишидан ҳосил бўладиган штрихдир. Бу усулни катта чўзимли ноталарни аста-секинлик билан трекомо қилиб чалиб ўзлаштириш лозим. Резнинг яхши ўзлаштирилиши пастга ва тепага уриш кўникмаларининг қанчалик ўзлаштирилишига боғлиқ. Бунда албатта ўнг қўлнинг эркинлигини таъминлаш керак. Пастга ва юқорига берилган зарбларнинг бир текисда бўлишига ўнг қўлнинг фақат панжа қисми билан бажарилгандагина эришиш мумкин. Айрим асарларда чап қўл билан торни тебратиш резнинг характеристини очиб беради. Лекин бу тебраниш маълум меъёрда бўлиши керакки, шу орқали резнинг майинлигига эришилади ва айнан шу усул билангина куйнинг характеристери очилади. Қуйидаги мисолларда тўлқинсимон белги қўйилган ноталарни тебратиб чалиш намунасини кўришимиз мумкин.

15-мисол

Концерт №2 (II қисм)

X.Хонмамедов

Оғир, тантанавор




16-мисол

Уйгурча қўшиқ ва рақс

Ф. Васильев, М.Мирзаев

Майин



Бу штрих нафакат секин суръатли куйларда ёки катта чўзимли ноталар ижросидагина эмас, балки тез суръатли, виртуоз асарларда ҳам кенг қўлланилади. Шунинг учун резни пастга уриш билан бошлаб, юқорига ва пастга уриш билан тугаллаш керак. Биринчидан агар рез пастга уриш билан тугалланса, товушнинг охирида ортиқча зарб берилмаслиги ва товушнинг ёки мусиқий жумланинг охири баланд овозда тугалланиб қолмаслигига эришишимиз керак. Бундай ҳолат қўйидаги мисоллардаги каби кўпинча секин суръатли асарларда ва охири *pp* чалиниб тугалланадиган товушларда учрайди.

17-мисол

Анданте

K.Караев

Секин




18-мисол

Сабо

И.Рахимов

Ўртacha тез





Иккинчидан тез суръатли ёки «легато» яъни бир неча тактдан иборат товушларни ҳам бир-бирига боғлаб чалинганда резнинг юқорига узилиши кейинги мусиқий жумлаларни яна пастга зарб билан бошлишга имконият яратади ва ўнг қўл ҳаракатининг енгиллигига, охир оқибатда эса ижрочининг узоқ вақт чарчамай чалишига замин яратади.

19-мисол

Поэма

М. Бафоев

Тез

Кўпинча гарб композиторлари асарларида майин ва куйчан характердаги жумлаларда аккордли ва икки овозли мусиқий асарларни ҳам иккала торда баробар рез қилиб чалинади.

20-мисол

Пассакалия

Ф. Гендель

Ўртача тез

21-мисол

Фантазия

A. Калинкин

Шошмасдан



Бунда ўнг қўлнинг ҳолати иккала торнинг ўртасида тутилиши ва иккала торга урилган зарблар тент бўлиши ҳамда чап қўл бармоқлари пардаларни жуда яхши сезиши натижасида товушларни текис, равон ва бир-бирига боғланган ҳолда эшитилишига эришиш мумкин. Одатда, ўқувчиларда торлардан бирининг овози баландроқ чиқиб қолиши кўп кузатилади. Бунга рез штрихи кўникмаларини етарли ўзлаштирилмаганлиги ва ўнг қўл ҳаракатларининг сиқиқ ҳолатлари сабаб бўлиши мумкин.

Бундан ташқари ўнг қўлнинг бош бармоғи ва кўрсаткич бармоғи мизробни жуда яхши бошқара билишини таъминлаш учун уни назорат қилиб туриш керак. Куй характеристи ва суръатининг кескин ўзгаришида ва тордан - торга ўтиш ёки бирданига иккала торда рез штрихида ижро этиш ҳолатларида ҳам бу жуда катта аҳамиятга эга.

Мусиқа ижрочилигига нафақат катта чўзимли товушлар, балки бир товушни узиб-узиб рез чалиш ҳолатлари жуда кўп учрайди. Бу резнинг - «қисқа рез» деб аталадиган туридир.

Қисқа резни ижро этганда ўнг қўл ҳаракатининг енгил бўлиши муҳим. Чунки бунда ҳар бир рез алоҳида узилган, яъни мизробни тордан олиш билан эмас, балки товуш чўзими тугагач, мизробни бир оз тепага кўтарилиши ва кейинги резни давом эттириш йўли билан ижро этилади. Қисқа рез албаттa тепага узилиши билан ўзига хос бўлиб, бу резнинг охирида зарб берилмаслигига ва енгил бўлишига, шунингдек ўнг қўлнинг қотиб қолмаслигига олиб келади.

22-мисол

Баллада

С.Хайитбоев

Тезроқ




23-мисол

Дутор баёти

Ўзбек халқ қуиي,

Э.Шукруллаев қайта ишлаган

Тез



Бундай усул қўпроқ композиторлар ижодида синкопали жумлаларни ижро этганда ва халқ қуиларининг айрим намуналарида ишлатилиди.

Шуни айтиб ўтиш керакки, рез ва қисқа рез штрихлари барча мусиқий асар ижросида бир хил характерга эга эмас. Юқорида таъкидлаганимиздек қашқар рубобида шашмақом қуи ва ашуалари, халқ қуилари билан бир қаторда жаҳон классик мусиқа намуналари, замонавий композиторлар асарлари ижро этилади. Шашмақом намуналаридаги рез билан халқ қуиларидаги рез ва композиторлар асарларидаги резлар характери бошқа-бошқадир. Бунга нафақат тремоло чалиш кўнималарини ўзлаштириш билан, балки ҳар хил йўналишдаги асарларнинг мазмун моҳиятини теран англаш билан ҳамда қашқар рубоб ижрочилик мактаблари ёки йўналишларини пухта эгаллаш билангина эришиш мумкин.

Мизробли чолгуларда ўзига хос ижро усуларидан бири тескари зарб усулидир. Мусиқа тактларининг кучли ҳиссалари билан зарб акцентининг мос келмаслиги тескари зарб усулини келтириб чиқаради. Қуидаги мисолларда композиторлар асарларида ва ижрочилик тажрибасида учрайдиган тескари зарбларнинг бир нечта турини учратиш мумкин:

24-мисол



25-мисол



26-мисол



27-мисол



Бунда зарбларнинг йифиндиси маълум синкопали метроритмик шаклни ҳосил қиласди. Тескари зарб штрихини ижро этишда зарбларнинг пастга-тепага урилишида қийинчиликлар кўзга ташланади. Чунки, кўпинча тескари зарб куйнинг таянч товушларидан бирида квартга, квинта ва октава интерваллари оралиғидаги аккордлар усулидан иборат бўлади.

Усулининг пастки товуши иккинчи торда ижро этиласди. Маълумки, зарблар алмашинувининг иккинчи торга тўғри келиши ва унинг тепага урилиши бирмунча нокулайлик келтириб чиқаради. Бундай ҳолатда зарблар ҳаммаси пастга урилиб, акцентларни ажратиб кўрсатиш керак. Тескари зарб

усулини яхши ўзлаштириш мақсадида қуидаги машқларни тавсия қиласиз.

28-мисол

29-мисол

Ушбу ва шунга ўхшаш машқларда пастга-тепага берилган зарбларнинг ҳар-хил торларга тўғри келиши фақат тескари зарб усулини ўзлаштиришда эмас, балки мураккаб асарларни ижро этишда ҳам ўз самарасини беради деб ўйлаймиз.

Бастакорлар Р.Турсуновнинг «Нози карашма» ва М.Мирзазевнинг «Дилрабо» қуйларидан келтирилган парчаларда тескари зарб усулиниң кенг қўлланилганлигини кўришимиз мумкин. «Дутор баёти»да рубоб ЛЯ-МИ-ЛЯ, «Дилрабо» қуида эса ЛЯ-РЕ-ЛЯ ноталарига созланган бўлиб, тескари зарб айнан МИ ва РЕ ноталарида ҳамда очиқ торларда амалга оширилади.

30-мисол

Дутор баёти

31-мисол

Дилрабо

M. Мирзаев

Кувноқ



Қашқар рубобида кўп қўлланадиган штрихлардан яна бири бу триолли штрихдир. Триолли штрих мусиқада жуда кўп учрайди. Трио – (лотинча. «Tres» – сўзидан) – уч нотадан тузилган маҳсус ритмик шакл бўлиб, унинг узунлик микдори шу турдаги, одатда икки нотага teng⁹. Ўзбек мусиқасида бу «уфори» деб ҳам юритилади. Триолли штрих зарбларининг турли томонларга уриб чалинишининг гувоҳи бўламиз.

32-мисол

Анюта

Г. Гаврилин

Тез



⁹ Акбаров И.А. «Музика лугати» F.Фулом номидаги адабиёт ва санъат нашириёти. 1987.

33-мисол

Тарантелла

Ж.Россини

Тез

34-мисол

Мұқаддима

A.Мансуров

Қувноқ

35-мисол

Хоразм лазгиси

Шўх

Юқоридаги триолли штрихларни чалишда триоль товушларининг текис ва товуш баландлигининг бир хил чиқиши муҳимдир. Шундай бўлсада Ж.Россинининг

«Тарантелла», Г.Гаврилиннинг «Анюта» асарларида зарбларнинг кескинлиги, товушнинг қисқалиги билан характерли бўлса, А.Мансуровнинг «Муқадимма», ҳамда «Хоразм лазгиси» каби ўзбек кўйларида эса зарблар у қадар кескин бўлмай, товушларнинг нисбатан юмшоқроқ чалиниши билан ажралиб туради. Чунки ўқувчилар бундай штрихли асарларни ижро этганларида юқорига берилган зарб товушининг тўлақонли чиқмаслиги ва чалинган ҳар уч товушнинг тизими жиҳатидан текис эшитилмаслиги, қўп кузатилади. Триолли штрихни узлуксиз тез суръатли асарларда чалиш бирмунча қийинчиликлар туғдиради. Бунда чап ва ўнг қўлларнинг бир-бирига мутаносиб ҳаракат қилишига эришиш керак. Буни секин суръатда аста-секин машқ қилиб ўзлаштиришга эътибор бериш зарур. Бу усулни чалишда овоз сифатига эришиш учун қашқар рубобининг 3-торида машқ қилиш яхши самара беради. Чунки, 3-торнинг бирмунча қалинлиги ва бу торда чалишнинг қийинлиги, ҳамда қолган 2-торга нисбатан юқорироқда жойлашганлиги ўнг қўлнинг имкониятларини максимал сарфлашга мажбур қиласди. Бундай машқдан кейин эса 1- ва 2-торларда триолли штрих чалиш анча яхши ўзлаштирилади.

Юқорида биз асосий ижро штрихларини кўриб чиқдик. Бу штрихлар мизробли чолгуларга, хусусан қашқар рубобига хос бўлган ижро штрихлари эди.

Энди мусиқада мавжуд бўлган стаккато, легато каби мусиқий штрихларни кўриб чиқамиз. Бу штрихлар чолгулар туридан қатъий назар мусиқада аниқ қилиб белгиланган бўлиб, улар шу мусиқий асарнинг мазмун-моҳиятини, характерини очиб бериб, унинг бадиий ифодалилигини оширадиган асосий омиллардан биридир. Бу мусиқий штрихлар фортепиано, чанг, гижжак, най, рубоб, скрипка каби барча чолгуларда шу чолгуларнинг бошқа ижро штрихлари ёрдамида амалга оширилади. Қуйида биз бу штрихларни қашқар рубобида ижро этиш усулларини кўриб чиқамиз.

Легато (ит. «legato» – «боғлаб», «силлиқлаб»)¹⁰ – композитор томонидан белгиланган бўлиб, уни айнан легато яъни товушларни бир-бирига боғлаб чалиш керак бўлади. Легато

¹⁰ Крунтяева Т.С, Молокова Н.В. «Словарь иностранных музыкальных терминов» Л. «Музыка». 1987.

товушларни маълум бир мазмун остига бирлаштиради. Буни амалга ошириш қашқар рубобида рез усулида ёки торни майин, юмшоқ зарб билан уриш усулида амалга оширилади.

Ўқувчига шу жумланинг ёки легато қўйилган қисмнинг мазмунини очиб бериш муҳимдир. Буни идрок эта олган ўқувчи зарб билан уриб чалинадиган товушларнинг ҳам бир-бирига уланиб эшитилишига эриша олади.

36-мисол

Баҳор вальси

M. Мирзаев

Енгил, вальс суръатида



37-мисол

Мелодия

П. Чайковский

Ўртacha тез



Стаккато (ит. «staccato» – «узиб-узиб»)¹¹ – энг характерли усуллардан биридир. Бу бир қараща жуда оддий бўлиб қўринади. У торни мизроб билан кескин уриб, чап қўл бармоқлари ёрдамида тордаги овозни кескин ўчириш орқали амалга оширилади. Лекин **ff** чалганда ҳам **pp** чалганда ҳам стаккато усули қўлланилади. Бундай ҳолда ҳам товушнинг қисқа, аниқ ва шиддатли бўлишини сеза билиш муҳимдир, яъни **ff** чалганда мизробнинг ўртаси билан қаттиқ чалинса, **pp** да эса мизроб учи билан нисбатан паст овозда кескин уриб бунга эришиш мумкин. Ўнг қўл ҳаракат амплитудасининг қисқа бўлиши товуш кескинлигини таъминлаб беради.

¹¹ Ю. Евдокимов, И. Ахмедов. Русча-ўзбекча қисқача музика терминлар луғати. Т., «Ўқитувчи» - 1970.

38-мисол

Кичик серенада

B. Моцарт

Тез, енгил

39-мисол

Мирзадавлат

Ўзбек халқ куйи

Тезроқ

Келтирилган мисоллардаги «стаккато» штрихлари ҳар қайси куйда ўзига хос хусусиятга эга бўлиб, созанда бу штрихни ижро этишда асарнинг характеристидан келиб чиқиши лозим.

Юқорида биз ижро штрихлари ҳамда мусиқий штрихларни ва уларни ижро этиш усулларини кўриб чиқдик. Таъкидлаб ўтганимиздек бу штрихлар ҳар бир асарда ўзига хос характерга

эга бўлиб, ўша асарнинг мазмун – моҳиятини очиб беришга қаратилган бўлиши мақсадга мувофиқдир. Айни пайтда муайян асар ижросида эса хилма-хил штрихлар йифиндисини кузатишимииз мумкин. Бадиий ижрода штрихларнинг айнан хилма-хил алмашинуви ижроидан билим ва маҳорат талаб этади. Штрихларни ижро этишда мусиқанинг турли характерда кескин ўзгариш ҳолатларида ва умуман маълум мусиқий жумлани тўлиқ очиб беришда ҳар бир штрихни ўз вақтида, тўлақонли ижро этиш асосий шартлардан биридир.

ҚАШҚАР РУБОБИДА ПОЗИЦИЯЛАР ВА УЛАРНИНГ АҲАМИЯТИ

Позиция – (лотинча «position» - вазият) – Чолғуларда ижро этишда қўл вазияти¹².

Қашқар рубобидаги позиция бошқа торли мизробли чолғулардаги каби чап қўл кўрсаткич бармоғининг юқори ҳарракка нисбатан жойлашишига қараб аниқланади. Қашқар рубобда позицияларнинг ҳажми биринчи ва тўртинчи бармоқ ўртасидаги масофа билан белгиланади.

40-мисол.



Юқорида кўриниб турганидек бу масофа асосан кичик ва катта терция интервалини ташкил қиласди. Агар қашқар рубобда биринчи торнинг 2-пардаси СИ – нотасига 1 бармоқ, ДО нотасига 2-бармоқ ва РЕ – нотасига 4 бармоқ қўйилса, бу бармоқларнинг 1-позицияда турганлигини билдиради.

Куйидаги жадвалда қашқар рубоб позициялари ва уларда бармоқлар жойлашишини кўришимиз мумкин.

¹² И.Акбаров «Мусиқа лугати». Тошкент, 1987.

Демак, қашқар рубобида ҳаммаси бўлиб, асосан 12 та, қайта ишланган рубобларда эса 14 тагача позициялар мавжуд. Асосий товушқаторнинг альтерация белгиси билан ўзгариши позицияни ўзгартирмайди, лекин бармоқларнинг жойлашиш тартиби, яъни аппликатура ўзгаради. Позицияларни ўрганиш ижрочининг юксак техник имкониятларига эришишида ва нота ўқиш жараёнида катта аҳамиятга эга. Чунки, мураккаб техник асарларни ижро этишда чап қўлнинг яхши ривожланганлиги, дастани ва ундаги пардаларни яхши ҳис қилиши муҳим роль ўйнайди.

Ўқитишининг дастлабки давриданоқ бунга аҳамият бериш керак. Кўп ҳолларда ўқувчининг ижро кўнималарини маълум даражада эгаллаган бўлишига қарамай, 2- ва 3- торлардаги пардаларни яхши билмаслиги ва шу торларда ижро этиладиган асарларда жиддий камчиликларга дуч келишини кўрамиз. Бундай камчиликларни бартараф қилиш учун дастлабки даврлардан уч торда ижро этиладиган бир ёки икки оқтавали гаммаларни ўргатиб бориш яхши самара беради. Позицияни ва позициялар алмашинувини яхши ўзлаштириш ўқувчига

катта диапазонли мураккаб асарларни ва ундаги тез суръатли пассажларни ва чап кўл бармоқларининг катта интервалларга сакраши учун қулайлик яратиш билан бирга, унга нотага қараб чалишда қулай ижро усулларини мустақил равишида танлай олиш имкониятини беради.

Табиийки, чап кўлнинг даста бўйлаб ҳаракати натижасида позициялар алмашинуви юзага келади. Лекин, шунга қарамай қашқар ва афғон рубобларида позициянинг аҳамияти скрипка, фижжак ёки рубоб примага ўхшаш чолгулардагидек эмас. Бунга сабаб, айниқса қашқар рубобда торларнинг ҳар хил, яъни металл ва ичакдан бўлганлиги, торларнинг учталиги ва уларнинг кварта-квinta интервалларида созланишидир. Шунинг учун позициялар алмашинувига албатта асарларнинг (куйнинг) тўлақонли чиқишига, мусиқий фикрнинг бўлинниб қолмасдан яхлит шаклда бўлиши ва бадиий қимматининг йўқолмаслигига асосланган ҳолда ёндошиш керак.

Қашқар рубобда позициянинг юқорилаб борувчи ва пастрраб борувчи алмashiш тури мавжуд. Энди айрим мисолларда позиция алмашинувининг ҳар икки турига бир хилда тегишли бўлган айрим алмаштириш усулларини кўриб чиқамиз.

41-мисол

The musical score consists of two staves of musical notation. The top staff is for the left hand (thumb 1, index 2, middle 3, ring 4) and the bottom staff is for the right hand (index 1, middle 2, ring 3, pinky 4). Fingerings are indicated above the notes: 4, 3, 2, 1 for the left hand in the first measure, and 1, 4, 3, 2 for the right hand in the second measure.

42-мисол

Ҳаракатда баракат

Тез

H.Норхўжсаев

The musical score consists of two staves of musical notation in G major. The top staff shows a sequence of eighth-note chords with fingerings: 4, 1, 3, 4; 1, 3, 4; 1, 3; 1, 2, 4; 1, 2; 4. The bottom staff shows a sequence of sixteenth-note patterns with fingerings: 1, 2, 3, 4; 1, 2, 3, 4; 1, 2, 3, 4; 1, 2, 3, 4; 1, 2, 3, 4; 1, 2, 3, 4.

Күриниб турганидек бу мисолларда бармоқлар позицияларда кетма-кет алмашмоқда. Хроматик пассажларда позициянинг шу хилда алмashiши ҳаммага маълум. Бироқ худди шундай бўлакларни чалганда ўқувчиларнинг чап ва ўнг қўл ҳаракатларининг бир-бирига мос келмаслиги, товушларнинг аниқ чиқмаслигига сабаб бўлади. Асосан чап қўл бармоқларининг ишончли ҳаракат қилиши муҳимдир.

Бир бармоқнинг сирғалиб бошқа позицияга ўтиши ва яна шу бармоқ билан торни босиш усули.

43-мисол

Рақс

F. Қодиров

Енгил, қувноқ

44-мисол

Концерт

O. Абдуллаева

Тез

Бундай усул кўпроқ пастлаб борувчи позиция алмашувида ва каттароқ интервалли бўлакларда сакрашдан кейин қўйиладиган позицияда айнан шу бармоқ билан бошлиб кейинги пардаларга қулай аппликатурада бармоқ қўйиш мумкин бўлган ҳолатларда ишлатилади.

Катта интервалларга сакрашда дастлабки нотани бир бармоқ билан, навбатдагисини эса бошқа бармоқ билан позиция алмаштириш усули:

45-мисол

Каприз № 24

H.Паганини

Тез



46-мисол

Концерт

O.Абдуллаева

Тез



Бунда сакралган нотага тушадиган бармоқ ҳам ундан кейин давом этадиган пардага қулайлик мақсадида танланиши керак. Худди шундай ҳолатларда сакралган нотага қўйилган бармоқ кўпинча кучлироқ босадиган биринчи бармоқ билан ёки ўқувчига фақат сакрашга қулай бўлган бармоқ билан чалинади. Айнан шундан кейинги бўлакларда ноаникликлар, сифатсиз товушлар кузатилиди. Шунинг учун ўқувчи асарни таҳлил қилишни бошланишидаёқ бундай жойларнинг бармоқлар жойлашишига қатъий риоя қилиши керак.

Яна бир пардани ўзида позиция алмаштириш усули ҳам мавжуд бўлиб, у асосан триолли штрихларда чалинадиган асарларда ва секин суръатли, майин асарларда иккита бир хил ноталарни икки хил жумлага (ёки группировкага) тегишли ҳолатларда ишлатилиши мумкин.

47-мисол



Булардан ташқари очиқ торлар ва паузалар ёрдамида позиция алмаштириш усуллари ҳам мавжуд бўлиб, уларни ҳам мақсадга мувофиқ равишда қўллаш мумкин.

АППЛИКАТУРА ВА УНИНГ ҚҰЛЛАНИШИ

Аппликатура – (немисча – «applicatur», лотинча - «applico» – қўймоқ, босмоқ) - Бирор мусиқа чолғуларини ижро қылганда бармоқларни тўғри қўйиш ва алмаштириш тартиби.¹³

Қашқар рубоб ижрочилигига ҳам аппликатура муҳим ўрин тутади. Чунки қашқар рубоб товушқаторининг бир неча позицияларга бўлинганлиги асарни ҳар - хил аппликатурада чалиш имкониятини беради. Лекин ижрочиликда асосий мезон – асарнинг бадиий қўмматли ижроси бўлиб қолаверади. Шунинг учун аппликатурани танлашда шу нуқтаи назардан ёндошиш мақсадга мувофиқдир.

Кулай аппликатурани танлаш ўқувчига асарни ёдлаш ва ўзластириш жараёнида айниқса муҳим. Чунки айнан аппликатуранинг қулайлиги асарни эслаб қолиш жараёнини, ҳамда тез суръатли пассажлар ижросини енгиллаштирибгина қолмасдан концерт ва имтиҳонларда адашиб қолиш ёки эсдан чиқариб қўйиш каби ҳолатларнинг ҳам олдини олади. Тажрибада кўп учрайдиган камчиликлардан бири, ўқитишининг бошланғич даврида бунга яхши эътибор бермаслиkdir. Ўрта маҳсус ўқув юртларига келган ўқувчилар маълум даражада мусиқа маълумотига эга бўлиб, айрим ижро кўнималарини ўзлаштирган бўлишади. Лекин, айнан шу даврда ўқувчиларнинг чап кўл бармоқларининг яхши ривожланмаганлиги, аппликатура талабларини бажара олмасликлари каби жуда жиддий камчиликлар кўзга ташланади ва кўп ҳаракатлар, машқлар натижасида бу камчиликлар тўғриланади. Бундан шундай хулоса қилишимиз мумкинки, аппликатура яъни

¹³ И.Акбаров «Мусиқа лугати». Тошкент 1987.

бармоқларнинг пардаларда жойлашиши кўр-кўронада бўлмасдан, аниқ бир мақсадга йўналтирилган бўлиши керак. Бунинг учун ўқитувчи қашқар рубоб аппликатура асосларини билиши, хилма-хил ифода ва техник имкониятларни доимо ривожлантириб бориши, шунингдек ўқитувчилик фаолиятига доимо ижодий ёндошиши керак.

Янги нотаниш асар олингандага уни чукур таҳлил қилиб чиқиб энг қулай, ҳар томонлама талабга жавоб берадиган ва шу билан бирга ҳар бир ўқувчининг индивидуал имкониятларини ҳисобга олган ҳолда аппликатурани танлаш керак. Бу албатта ўқувчининг ижро техникаси ошишида, чолғунинг техник ва колоритик имкониятини тўлароқ очиб беришда, мусиқий асарнинг ифодали ижро этишда зарур воситалардан биридир.

Ўқув жараёнида аппликатура танлашда чап ёки ўнг қўлнинг маълум камчилигини тузатиш мақсадида қулай аппликатурадан воз кечиш ҳолатлари мавжуд. Масалан 4-бармоқнинг (ёки бармоқлардан бирининг) яхши ҳаракатланмаслиги ёки парданни яхши боса олмаслик каби камчиликлар мавжуд бўлганида мақсадга мувофиқ тарзда ишлатиладиган аппликатурани қўллаш лозим.

48-мисол

49-мисол

Бу усул бармоқларнинг қамров доирасини кенгайтириш мақсадида қўлланилиши мумкин. Бу албатта, катта интервалларга сакраш пайтида бармоқларнинг жуда аниқ ва тез ҳаракатланишига олиб келади.

Маълум мусиқий бўлакни бир торда қулай аппликатура билан чалиш имконияти мавжуд бўлган бир пайтда айнан шу бўлакни ҳар-хил тордаги аппликатура билан чалиш усули:

50-мисол

Бахчакюрд

A.Герай

Тез

51-мисол

Бу усулда чап қўл бармоқларининг ҳар хил торлардаги ҳаракати ва ўқувчининг бошқа торлардаги пардалар жойлашишини яхши ўзлаштириб олиши билан бирга ўнг қўлнинг тордан торга ўтишда товуш чиқаришнинг сифатини ошириш учун фойдаланиш мумкин.

Маълумки, ҳамма ўқувчиликлар ҳам бундай кўнималарни мустақил ўзлаштириб ёки камчиликларни машқлар ёрдамида бартараф қила олмайдилар. ўқитишнинг қуйи босқичларида

аппликатурага бундай ёндошиш доимий дарс жараёнида яхши ўзлаштирилади ва ўзининг яхши самарасини беради.

Анъанавий ижрочиликдаги аппликатура ўзига хос бўлиб, ўқувчининг муайян асарни ўзлаштиришда асосий омиллардандир. Яъни, танланадиган аппликатура ноталарни биринкетин босишда қулай бўлиши учун эмас, балки анъанавий ижрочиликка, ёки айнан шу асарга хос бўлган мусиқий безакларни (нола ва қочиримларни) ижро этиш имкониятларидан келиб чиқсан бўлиши мақсадга мувофиқдир.

Кўп ҳолларда аппликатурага яхши аҳамият бермаслик ва бармоқларнинг тартибсиз қўйилиши натижасида чап қўлнинг умуман нотўгри шаклланиб қолиши, бармоқларнинг пардалардан узоқда бўлиши ёки пастга тушиб кетиши, уларнинг дастада рубобнинг косаси томонга қия ҳолатда босилиши ўрнига дастага тик, яъни, перпендикуляр ҳолатда босилиши каби, кейинчалик тузатиш қийин бўладиган камчиликларга олиб келади. Бу эса ўқувчининг яхши ижрочи бўлиб етишишига тўсқинлик қиласи.

ГАММАЛАР ВА МАШҚЛАР. УЛАРНИНГ ЎҚУВ ЖАРАЁНИДАГИ ЎРНИ

Маълумки, мусиқий педагогиканинг чолғу ижрочилик йўналишида гамма, учтовушлик ва машқлар ўқув жараёнининг ажралмас қисмидир. Уларни ўрганиш ва чалиш ўқув даврининг ҳамма босқичларида ҳам муҳим аҳамиятга эга. Ундан турли босқичларда турли мақсадларда фойдаланилади.

Доимий равишда ўз устида ишламайдиган созанданинг ижрочилик фаолияти тез тугаб қолиши мумкин. Чунки бу фаолият ижодий фаолият. Ижодий фаолият эса доимий изланишни, ижрочилик маҳорати устида мунтазам шуғулланишни талаб қиласди. Шунинг учун ўз-ўзидан, нафақат ўқув жараёнида, балки ижрочилик фаолиятининг охиригача гамма, учтовушлик ва машқларнинг аҳамияти бирдай сақданиб қолаверади. Машҳур созандаларнинг фаолиятига назар ташлайдиган бўлсак, бунинг исботини яққол кўришимиз мумкин.

Композитор ва ўз даврининг етук созандаси машҳур пианиночи С.Рахманинов «Бир кун чалмасам ўзим биламан, икки кун чалмасам дўстларим билади, уч кун чалмасам тингловчилар билади» деганида, машқ қилиш, шуғулланишнинг қанчалик катта аҳамиятга эга эканлигини яна бир бор исботлаган эди.

Гамма ва арпеджиолар устида ишлаш жараёни фақат ўқувчининг техник имкониятларинигина ривожлантириш бўлиб қолмасдан, балки шу гаммалар ёрдамида ижронинг бадиий ифодалилик қўникмаларини тарбияловчи воситалардан бири бўлиши лозим.

Энди қашқар рубобида чалинадиган гаммаларни қашқар рубоби созланиши ва имкониятларига асосланган ҳолда таснифлаб кўриб чиқамиз.

Уларни 6 турга бўлишимиз мумкин:

1. Бир торда очиқ тор қўлланилиб, чалинадиган бир оқтавали гаммалар;
2. Икки торда очиқ торлар қўлланилиб ҳар-хил позицияда чалинадиган бир оқтавали гаммалар;
3. Уч торда очиқ торлар қўлланилиб чалинадиган бир оқтавали гаммалар;
4. Уч торда бир позицияда чалинадиган бир оқтавали гаммалар;
5. Уч торда позициялар алмаштириб чалинадиган икки оқтавали гаммалар;
6. Хроматик гаммалар;

1) Бир торда очиқ тор қўлланилиб чалинадиган бир оқтавали гаммалар:

1-торда

Ля-мажор

0 1 3 1 3 1 3 4

ля-минор табиий

0 1 2 1 3 1 2 4

Гармоник

0 1 2 1 3 1 3 4

Мелодик

0 1 2 1 3 1 3 4 2 1

2-торда

Ми-мажор

0 1 3 1 3 1 3 4

ми-минор

0 1 2 1 3 1 2 4

Гармоник

0 1 2 1 3 1 3 4

Мелодик

0 1 2 1 3 1 3 4 2 1

3-торда

Си-мажор

0 1 3 1 3 1 3 4

си-минор табий

0 1 2 1 3 1 2 4

Гармоник

0 1 2 1 3 1 3 4

Мелодик

0 1 2 1 3 1 3 4 2 1

Бу гаммалар орқали ўқувчи торларда товушлар жойлашиши ва позиция алмашинувининг турли усуллари билан танишади.

2) Икки торда очиқ торлар қўлланилиб, ҳар-хил позицияда чалинадиган бир оқтавали гаммалар:

Ми мажор

Ми минор табиий

Фа мажор

До мажор

Си мажор

Си минор

3) Уч торда очиқ торлар қўлланилиб чалинадиган бир оқтавали гаммалар:

До мажор

1 3 0 1 2 0 1 2
III - сим | II - сим | I - сим | II - сим | III - сим |

Ре мажор

2 0 1 2 0 1 3 4
III - сим | II - сим | I - сим | II - сим |

Си мажор

0 1 3 0 1 3 0 2
III - сим | II - сим | I - сим | II - сим | III - сим |

4) Уч торда бир позицияда чалинадиган бир оқтавали гаммалар¹⁴.

а) 1-бармоқ билан бошланадиган гаммалар

До мажор

1 2 4 1 2 4 1 2
III - сим | II - сим | I - сим | II - сим | III - сим | III - сим |

До минор табиий

1 3 4 1 3 4 1 3
III - сим | II - сим | I - сим | II - сим | I - сим |

¹⁴ Эслатма: Уч торда бир позицияда 1- ва 2- бармоқ билан чалинадиган гаммаларда рубобнинг учинчи тори СИ нотасига созланади.

Гармоник

1 3 4 1 3 4 2 3 1 4 3 1 4 3 1

III - sim | II - sim | I - sim | II - sim | I - sim |

Мелодик

1 3 4 1 2 4 2 3 1 4 3 1 4 3 1

III - sim | II - sim | I - sim | II - sim | I - sim |

Ре мажор

1 2 4 1 2 4 1 2 1 4 2 3

III - sim | II - sim | I - sim | h e a |

Ре минор табиий

1 3 4 1 3 4 1 3 1 4 2 3

III - sim | II - sim | I - sim | II - sim | III - sim |

Гармоник

1 3 4 1 3 4 2 3 1 4 1 4 2 3

III - sim | II - sim | I - sim | II - sim | III - sim |

Мелодик

1 3 4 1 2 4 2 3 1 4 3 1 4 3 1

I - sim | II - sim | I - sim | II - sim | III - sim |

б) 2-бармоқ билан бошланадиган гаммалар¹⁵

Соль мажор

2 1 2 4 1 2 4 1 3 4 3 1 4 2 1 4 2 2 1 4 4

III - sim | II - sim | I - sim | II - sim | III - sim | I |

¹⁵ Уч торда бир позицияда 1-, 2-бармоқ билан бошланадиган гаммалар апликатураси бир хил.

Фа мажор



Соль минор гармоник

A musical score in 2/4 time with a treble clef. It includes fingerings above the notes: 2 1 2 3, 1 2 4 1, 3 4 3 1, 4 2 1 4, 2. Below the staff, it shows three positions: III - сим, II - сим, I - сим.

Мелодик

A musical score in 2/4 time with a treble clef. It includes fingerings above the notes: 2 1 2 4, 1 2 4 1, 3 4 2 1, 4 2 1 4, 2, 2 1, 4 4. The notes are mostly eighth notes with some sixteenth-note patterns.

Фа минор гармоник

A musical score in 2/4 time with a treble clef. It includes fingerings above the notes: 2 1 2 4, 1 2 4 1, 3 4 2 1, 4 2 1 4, 2, 2 1, 4 4. The notes are mostly eighth notes with some sixteenth-note patterns.

Мелодик

A musical score in 2/4 time with a treble clef. It includes fingerings above the notes: 2 1 2 4, 1 2 4 1, 3 4 2 1, 4 2 1 4, 2, 2 1, 4 4. The notes are mostly eighth notes with some sixteenth-note patterns.

5) Уч торда позициялар алмаштириб чалинадиган икки октавали гаммалар¹⁶

а) 1-бармоқ билан бошланадиган гаммалар

Ми бемоль мажор

A musical score in 2/4 time with a treble clef. It shows a transition between positions. The first part (I-position) has fingerings: 1 2 4 1, 2 1 3 4, 1 3 4, 1 2 3 4, 3 4 3. The second part (II-position) has fingerings: 2 1 4 3 1, 4 3 1, 2 1 4 2 1. The third part (III-position) has fingerings: 1 4 2 2, 1 2 4, 1 2 2 4, 1 4. Below the staff, it shows four positions: I - сим, II - сим, I - сим, II - сим, III - сим.

¹⁶ Эслатма: Уч торда позициялар алмаштирилиб 1- ва 2- бармоқ билан чалинадиган икки октавали гамма ва арпеджиоларда ҳам бир хил аппликатура қўлланилади.



Ми минор гармоник

Мелодик

б) 2-бармоқ билан бошланадиган гаммалар

Ми мажор



Ре минор гармоник

2 1 2 4 1 3 1 3 1 2 4 1 2 4 1 ³ 4 [#] 3 1 4 2 1 4 2 1 2 1 2 1 4 2 1 2
 III - сим || II - сим || I - сим || II - сим || III - сим ||

Мелодик

2 1 2 4 1 2 4 1 3 4 1 2 4 1 ² ³ 4 [#] 3 2 1 4 2 1 4 2 1 4 2 1 4 2 1
 III - сим || II - сим || I - сим || II - сим || III - сим ||

Қашқар рубобида пардалар оралиғи юқори позицияларда нисбатан тор жойлашган бўлиб, бу позицияларда ижро этганда чап қўйл бармоқлари терция қамровидан четга чиқиб, бармоқлар қамрови квартага етади. Бармоқларнинг бундай жойлашуви уларнинг мустҳкамлигини янада оширади.

6) Хроматик гаммалар:

Си мажор бир октаавали

Ре мажор икки октаавали

Мисол: 52

Қиличбозлар рақси

A.Хачатурян

Тез

Малумки, композиторлар ижодида хроматик пассажлар кўплаб учраб туради. Қашқар рубобида хроматик гаммалар асосан зич, жипслашган, изчиллик билан юқориляб ёки пастреблаб борувчи аппликатура қўлланиши билан ажралиб туради. Бу гаммалар бармоқларнинг бир-бири билан чаққон ўрин алмашувини ва уларнинг пардаларидағи аниқлигини ривожлантиради. Кўриниб турганидек хроматик гаммаларни қашқар рубобида барча торларда чалиш мумкин.

Гамма ва машқулар дастлабки босқичларда рубобни тўғри ушлаш ва овоз чиқариш, оддий штрихларни ўзлаштириш ва

чап қўлни даста бўйлаб ҳаракатлантириш каби енгил малакаларни ўрганишда ёрдам беради.

Кейинги босқичларда эса товуш чиқариш техникаси, мураккаб пассажлар ва штрихларни ўзлаштиришда муҳим восита бўлиб хизмат қиласди. Гаммалар ва машқлар устида ишлаш ўқувчининг тайёргарлиги ва унинг олдига қўйилган вазифадан келиб чиқсан бўлиши керак. Бирон-бир кўникмани ўзлаштиришда машқларни секин суръатда чалиб ўрганиш ва кейин тез суръатга ўтган маъкул. Масалан, маълум бир штрих устида ишлагандо шу штрихни қайси гамма ёки машқ воситасида ва қандай ижро услубидан фойдаланиб ўзлаштириш мумкинлигини аниқлаб, кейин уни амалга ошириш керак. Бинобарин бармоқларнинг тордан-торга ўтиш тезлиги ва катта интервалларга аниқ сакраш кўникмаларини ўзлаштиришда учтовушликлар ва уларнинг айланмалари ҳамда шу асосдаги машқларни ҳар-хил штрихлар ва ҳар-хил суръатларда чалиш мумкин.

Ҳар қандай машқ ёки гамма аниқ мақсадга йўналтирилган бўлиши керак. Акс ҳолда ўқувчи қанча кўп шугулланмасин керакли натижага эриша олмайди. Тажрибада бундай ҳоллар жуда кўп учрайди. Шунинг учун ўқитувчи, ўқувчига мақсадни аниқ тушунтира билиши керак. Айрим ўқитувчилар ўқувчилар билан ишлашда кўпинча фақат асар устида ишлаб ёки айнан ўша асарнинг қийин бўлган қисмини қайта-қайта чалдирадилар, лекин кутилган натижага эриша олмайдилар. Бундай пайтда албатта камчиликлар сабабини аниқлаш керак. Камчиликни бартараф қилиш учун аниқ мақсадга йўналтирилган машқ ва гаммалардан фойдаланиш яхши натижада беради.

Тажрибали ўқитувчилар янги асарни таҳлил қилаётганларида ёки ўқувчига асарни назарий жиҳатдан тўлиқ тушунтириб, ўқувчининг олдига аниқ вазифа қўядилар ва керакли кўрсатмалар берадилар, асосий эътибор бериладиган жиҳатларини тушунтириб, қандай машқлар чалиш кераклигини аниқлайдилар. Агар ўқувчи унга берилган вазифани ва пировард натижани тўлиқ тасаввур қила олса дарс пайтида ҳамда мустақил ишлаш жараёнида аниқ бир мақсадга йўналтирилган машқлар ёрдамида кўзлаган мақсадга эриша олади.

Машғулотларда ўқувчига унинг хатоларини аниқ тушунтириб кўрсатиб бериш, хатоларни тез бартараф қилишда жуда

катта аҳамиятга эга. Бирон бир кўникмани ўзлаштиришда машқ ёки гаммаларни маълум вақт мобайнида икки ўқувчига бир вақтда, ёки ўқитувчи билан ўқувчининг бир вақтда чалиш тажрибасининг яхши самара бериши аниқланган. Айниқса ўқитишнинг дастлабки даврларида ўқувчи мустақил равиша узоқроқ вақт бирон-бир гамма ёки машқни чала олмайди. Бунга унинг сабри ва чидамлилиги етишмайди. Агар юқоридаги усулдан фойдаланилса, ўқувчига биринчидан қизиқарли бўлади, кучини максимал сарфлаб шуғулланиш қобилияти шаклланади, иккинчидан эса ўқитувчи унинг хатоларини бир вақтда дарҳол тўғрилаш имкониятига эга бўлади. Гамма ва машқларни бир неча ўқувчи бир хил штрих, динамика ёки суръатларда чалиш усулида ўқувчининг фақатгина техник камчиликлари бартараф қилинмасдан, балки унинг ритмни сезиш, ансамбль ижрочилиги кўникмалари ва эшитиш қобилияти ҳам ривожланади.

Машқ, гамма ва учтовушликларни чалиш ўқувчи учун ўқитувчи томонидангина буюрилиб ва ўқувчи мажбурий бажарадиган машғулот бўлиб қолмаслигига эътибор бериш керак. Ўқувчига бунинг қанчалик аҳамиятли эканлигини бутун ўқув даври мобайнида, амалий машғулотларда узлуксиз равиша сингдириб бориш керак-ки, токи ўқувчи бу машғулотларнинг зарурийлигини тушуниб етсин.

Маълумки, ўқув даврлари орасида маълум вақтларда ҳар хил таътиллар мавжуд. Бу таътилларда ҳамма ўқувчилар ҳам ўз устида бир хил мустақил шуғулланмайдилар. Шунга ўхшаш ҳар хил танаффуслардан кейин ҳар қандай созанданинг техник имкониятлари бир оз пасаяди. Агар ўқувчидагамма, учтовушлик ва машқларни чалиш онгли равища зарурат даражасига айланса, бу унга келажакда ижрочилик формасини шакллантириб, уни сақлай олиш имкониятни беради. Шунинг учун ҳам ижрочилик фаолиятида гамма, учтовушлик ва машқларнинг аҳамияти бекиёсdir.

МУСИҚИЙ БЕЗАКЛАР ВА УЛАРНИ ИЖРО ЭТИШ УСУЛЛАРИ

Ҳар бир халқнинг мусиқаси ҳамда композиторлар яратган асарлар бой мусиқий безакларга эга. Мусиқий безакларсиз мусиқа ўзининг тўлиқ мазмун моҳиятига эга бўлмайди. Мусиқий безаклар куйни ҳар томонлама бойитибгина қолмасдан, унинг характерини очиб беришда жуда катта роль ўйнайди. Мусиқий безаклар ҳар-хил мелизмлар ва қочирилмлардан иборат.

Мелизмлар «трель», «форшлаг», «мордент» ва «группетто» деб номланади ва деярли барча халқлар куй ва қўшиқларида ҳамда композиторлар ижодида жуда кенг қўлланилади. Шашмақом асарлари ва мумтоз ўзбек куйларида учрайдиган безаклар мелизмлар деб аталиши билан бирга «қочирим», «нола» деб ҳам юритилади. Қочирим, нола миллий мусиқий безакларнинг барчасини ўз ичига олади: «бидратма», «сайқаллар», «тўлқинлантириш», «нахшлаг», «кашиш», «молиш» шулар жумласидан бўлиб, улар миллий мусиқамизни ҳаққоний жаранглашига ва куй оҳанглари жозибасини тўлиқ очиб беришга ёрдам беради.

Ўзбекистон консерваторияси анъанавий ижрочилик кафедраси профессор-ўқитувчиларининг илмий-педагогик изланишлари натижасида шашмақом асарлари намуналарининг қашқар рубобидаги ижрочилиги борасида ибратли ишлар амалга оширилмоқда. Хусусан, кўплаб куй ва ашулалар қашқар рубоби ижроси учун мослаштирилиб ундаги безаклар аниқ қилиб белгиланиши, чолғу ижрочилиги педагогикасида яхши натижаларга эришишда асосий омиллардан бири бўлиб қолмоқда.

Энди мелизм ва қочирилмларни ҳар бирини алоҳида шу билан бирга улар ўртасидаги фарқли ва ўхшашлик томонларини солишириш мақсадида ёнма-ён мисолларда кўриб чиқамиз.

Улардан форшлаг (нем. «vorschlag» - «олдиндан», «босим олдидан уриш»)¹⁷ – асосий нота олдига кичик ноталар билан ёзилиб, битталик форшлаг ва қүш форшлаг турларига бўлиниади. Битталик форшлаг («қисқа форшлаг» деб ҳам юритилади) юқорига қисқа зарб билан асосий нота чўзими ҳисобига чалинади. Битталик форшлаг анъянавий ижрочиликда «зарби паррон», яъни «учма зарб»¹⁸ деб ҳам юритилади ва композиторлар ижодида ҳам анъянавий ижрочиликда ҳам жуда кўп қўлланилади.

53-мисол

Рақс

G.Артемовский

Ўртача тез




54-мисол

Шахло

P. Турсунов

Шошилмасдан



¹⁷ И.Акбаров «Музика лугати» F.Фулом номидаги Адабиёт ва санъат нашриёти. Т., 1987.

¹⁸ С.Тахалов «Афғон рубобини чалишга ўргатиш методикаси асослари». Т., Ўқитувчи, 1983.

55-мисол

Саёҳатнома

М. Бафоев

Тез, жадал

Юқоридаги мисолларда келтирилган форшлагларни чалганда ўқувчилар кўпинча форшлаг чўзимининг қисқалигини дастлаб ҳис эта олмайдилар. Бунда ўқувчининг асосий эътиборини аввало ўнг қўлнинг ҳаракат амплитудаси қисқа бўлишига ва форшлагнинг асосий нотага нисбатан баланд ёки қўпол чиқиб қолмаслигига қаратиш лозим.

«Кўш форшлаг» асосий нота олдига икки кичик ноталар билан ёзилади ва пастга тепага бериладиган зарб билан қисқа ижро этилади.

56-мисол

Анитра рақси

Э. Григ

Енгил

57-мисол

Фантазия № 2

У.Хожибеков

Ўртacha тез



Амалиётда форшлаглар ҳар-хил суръатли асарларда қўп учрайди, шунинг учун унинг узун-қисқалиги ва қайси товуш ҳисобига чалиниши, баъзан асар характеристидан келиб чиқади. Яъни айрим каденцияларда, ёки эркин ижро этиш мумкин бўлган бўлакларда, мусиқани ифодали ижрога эришиш мақсадида форшлаглар бирмунча кенгроқ чалинадиган ҳолатлар ҳам учраб туради. Худди шундай форшлаглар tremolo усули билан ҳам ижро этилади.

«Нахшлаг» – (нем. «Nachschlag» – олдинги нота чўзими ҳисобига чалинадиган безак тури)¹⁹ қашқар рубобида ва кўпгина мизробли чолгуларда кенг қўлланиладиган мусиқий безаклардан бири. Асосий товушдан кейин ёзиладиган кичик ноталар билан белгиланади.

Форшлаглар асосий товушдан олдин ҳар бир товушни мизроб билан уриб ижро этилса, нахшлаг асосий товушни мизроб билан уриб ундан кейинги товушларни асосий товуш садоси остида ижро этиш билан фарқланади. Бу кўникмани ўзлаштириш ҳам мураккаб ижро усулларидан ҳисобланиб, асосан чап қўл бармоқларининг торларни яхши ҳис қилиши ва ҳаракатларини назорат қила олиш муҳимдир.

Навбатдаги безак – «мордент» (ит. «mordente» – «ўткир», «учи ўткир»)²⁰ асосий товушни бир тон ёки ярим тон юқоридаги ёки пастдаги товуш билан ижро этилади. У қўйилган товуш чўзими ҳисобига ижро этилади. Мордентнинг ҳам бир неча турлари мавжуд.

1. Оддий мордент

58-мисол

¹⁹ Крунтяева Т.С, Молокова Н.В. «Словарь иностранных музыкальных терминов». Л. «Музыка». 1987.

²⁰ И.Акбаров. «Музика лугати» Ф.Улом номидаги адабиёт ва санъат нашриёти. Т., 1987.

ёзилиши

ижро этилиши



2. Чизиқчали мордент

59-мисол

ёзилиши

ижро этилиши



3. Құшалоқ мордент

60-мисол

ёзилиши

ижро этилиши



4. Чизиқчали құшалоқ мордент

61-мисол

ёзилиши

ижро этилиши



Мордентларни ижро этганда товушларнинг текис эшитилишига эътибор бериш керак. Чунки тез суръатли асарларда пастга-юқорига бериладиган зарбларнинг аниқ чиқмаслиги натижасида мордентлар ноаниқ ижро этилади. Бундан ташқари мордентлар жуда енгил характерга эга. Айнан шу енгиллик билангина, у мусиқани безайди. Бунинг учун ўқувчи билан шу асарни мусиқий таҳлил қилиш (айниқса

Европа классиклари асарларини) асарнинг характерини очиб беришда, ҳар бир элементнинг аҳамиятини тушуниб етишга, хусусан мордентни керакли даражада ижро этишга олиб келади.

«Сайқал»²¹ - қашқар рубобида анъанавий ижрочиликда жуда кенг қўлланиладиган безак турларидан бири. У мордент белгисининг устига + белгиси қўйиб ифодаланади. Унинг 4 тури мавжуд. Мордент билан сайқалнинг асосий фарқи, агар мордентнинг барча товушлари мизроб билан урилиб ижро этилса, сайқал фақат бир зарб билан уриб, қолганлари эса шу зарб садоси остида чап қўл билан торни босиш йўли билан амалга оширилади. Сайқални ижро этишнинг асосий хусусияти зарб берилган товушнинг садосини ўчириб қўймасликдан иборатдир. Бунда зарб берилган пардани босиб турган биринчи ёки иккинчи бармоқ пардадан кўтарилимасдан ўзига хос глиссандолаш орқали оҳангнинг узилмаслигига ва кейинги товуш оҳангига уланишига олиб келиши керак бўлади.

Кенг тарқалган мелизмлардан бири «трель» – («trillore» – «титрамоқ», «тебранмоқ»)²² – қарийиб, барча торли ва пулфлама чолгуларда қўлланилади.

62-мисол

Эскэрани

C.Рустамов

Тез

Трель қашқар рубобда пастга ва тепага тез суръатдаги тремоло каби тезликда чалинади. Тажрибада ўқувчилар трель чалганда ўнг ва чап қўллар ҳаракатининг бир-бирига мос келмаслиги

²¹ Сайқал – халқ амалий санъатида кенг қўлланиладиган атамалардан бири. Асарга жило бериш, сайқал бериш маъносида. Мусиқада ҳам шу маънода ишлатилади.

²² И.Акбаров «Музика лугати». F.Фулом номидаги Адабиёт ва санъат нашриёти. Т., 1987.

кузатилади. Трелни, айниқса қашқар рубобда яхши ўзлаштириш керак. Сабаби, ҳозирги замон ижрочилик репертуарининг кенгайиши ва замонавий мусиқамизнинг, хусусан замонавий эстрада күй ва қўшиқларининг ривожланиши ҳам миллий чолгуларда ижрочилик санъатининг ривожланишига ўзининг ижобий таъсирини кўрсатмоқда. Бундай күй ва қўшиқлар мусиқаларини маълум бир йўналишда жуда енгил ҳаракатлар билан нафис ижро этишни талаб қиласиди. Бундай асарларда трель безашнинг бошқа элементлари билан ҳамоҳанг тарзда жуда кенг ишлатилишининг гувоҳи бўламиз.

63-мисол

Кел энди

С.Азизбоев

Тез

64-мисол

Дил сўз

А.Олимов

Тез

Композиторлар ижодига мансуб асарларни ижро этганда трель асосан биринчи ва иккинчи бармоқлар ёрдамида амалга оширилади. Лекин, юқорида келтирилган С.Азизбоевнинг «Кел энди», А.Олимовнинг «Дил сўз» каби ҳозирги замон эстрада күй ва қўшиқлари ижросида эса бошқа бармоқларнинг

ҳам жуда енгил бўлиши талаб қилинади. Бу мисолларда трель қилинадиган товушларга, асосан иккинчи бармоқ қўйилган бўлиб, трель учинчи ва тўртинчи бармоқлар билан амалга оширилади. Бундан ташқари биз ўқувчиларга трелни доимий равишда барча бармоқлар билан машқ сифатида чалишни тавсия қиласиз. Бундай машқ бармоқларнинг енгил ҳаракатланишига олиб келади.

Трель анъанавий ижрочиликда «бидратма» деб ҳам юритилади. «Бидратма»нинг ўзига хос томони шуки, мизроб билан уриб чалиш билан бирга фақат бир зарб садоси остида ҳам ижро этиш мумкинлигидир. Бунда трель белгиси устига + белгиси қўйилади. Кўпинча ўқувчилар сайқал ва бидратмани ижро этганларида, асосий нота садосини сўндириб қўядилар. Бу кўнилмаларни ўзлаштириш жуда мураккаб жараён бўлиб, мунтазам шуғулланишни ва кўп мусиқа тинглашни талаб этади.

65-мисол

66-мисол

Ўзбек халқ куйи

«Тўлқинлатиш» – вокал ижрочилигида ҳамда барча чолгулардаги каби қашқар рубобда ҳам кенг қўлланиладиган усул. У тор устида чап қўл бармоқлари билан торни тўлқинлатиб ижро этилади.

Тўлқинлатиш куйни ифодавийлик хусусиятини оширади, товушларни майин, оҳангдор ва жозибали эшитилишини таъминлайди.

Тўлқинлатиш композиторлар ижодидаги асарларда, шашмақом асарларида, ҳамда эстрада куй ва қўшиқларида кенг қўлланилади, лекин композиторлар асарида бу маҳсус белги билан белгиланмайди. Созанда асарни пухта ўзлаштиргач, уни

ҳар қандай катта чўзимли тримололарда ёки мусиқий жумлаларда эмас, балки мантиқий фикрдан келиб чиқсан ҳолдагина қўллаши керак бўлади. Бу борада албатта тажрибали ўқитувчи – созандалар тажрибасига таяниш мақсадга мувофиқдир. Тўлқинлатиш анъанавий ижроиликда, шартли равишда нота устига тўлқинсимон чизиқ билан белгиланади.

67-мисол

Тонг

A. Исмоилов

Шошилмасдан



68-мисол

Эшвой

Ўзбек халқ куйи

Вазмин



Композиторлар асарларида «глиссандо» номланишдаги мелизм қўлланилади. «Глиссандо» (ит. «glissando» – «сирғанма»)²³ – бир товушдан иккинчи товушга сирғалиб ўтиш. Кўпгина чолгуларда бўлгани каби қашқар рубоби ижроилигида ҳам глиссандо қўлланилади. Қашқар рубобда глиссандо чап қўл бармоғини даста бўйлаб пастга ёки юқорига

²³ Ю. Евдокимов, И. Ахмедов. Русча-ўзбекча қисқача музика терминлар луғати. Т., «Ўқитувчи». 1970.

сирғалтириб амалга оширилади. Бу усул барча мизробли чолғуларда ва камонли чолғуларда чап қўл билан сирғалтириб ижро этилади. Катта интерваллар орасидаги глиссандо асосан биринчи бармоқ билан чалинади. Кичикроқ интервалларда бошқа бармоқларда ҳам ижро этиш мумкин. Бунда сирғалаётган бармоқ товушни сўндириб қўймаслиги ва равон ҳаракат билан нота чўзимига мос вақтда иккинчи нотага етиб келиши керак бўлади.

69-мисол

Саёҳатнома

М.Бафоев

Тез



70-мисол

Туш манзаралари

Д. Сайдаминова

Шошилмасдан, салобатли



Дилором Сайдаминованинг «Туш манзаралари» асаридан келтирилган парчадаги секунда интервалидаги глиссандолар мизроб билан рез усулида, чап қўл билан эса «кашиш»²⁴ усулида, яни торни кўтариш йўли билан амалага оширилади.

Қашқар рубобида чап қўл даста бўйлаб сирғалиб глиссандо қилганда ўнг қўл билан рез қилинади лекин, айрим ҳолларда ўнг қўл билан биринчи товушга зарб берилгач шу товуш садоси остида ҳам глиссандо амалга оширилади. Бу усул шашмақом ва ўзбек халқ мумтоз куйларини ижро этганда кўп қўлланилади. Бунда глиссандо қилиб тушиладиган товуш устига + белгиси қўйиб белгиланади²⁵ ва бу безак тури «молиши» (форс. «молаш» – «силамоқ») деб аталади.

²⁴ «Кашиш» кейинги бетта қаранг.

²⁵ С.М.Тахалов «Афғон рубобини чалишга ўргатиш методикаси асослари» Т. Ўқитувчи, 1983.

Нагмаи Орази Наво

Ўзбек халқ куйи

Сокин



Созанда бу безакни дастлаб ўрганиш жараёнида глиссандо-лашнинг даврийлигини сеза олмаслиги натижасида унинг сохта ва қуруқ жааранглаши кузатилади. Молишни ижро этишни пухта ўзлаштириш учун аввало ўқувчи, шу асарни чуқур англаган бўлиши, куйнинг ҳар бир жумласи ва элементларини ҳис қила олиши муҳимдир.

Бу усуллар ашула йўлларида учрайдиган ва камонли – торли чолгуларда чалинадиган майда, енгил нолаларни қашқар рубобида ижро этиш имкониятини беради.

Мизробли чолгуларда қўлланиладиган безак усулларидан яна бири бу – кашиш (форс. «кашидан» – «тортмоқ»). Қайд этилган миллий мусиқий безаклар қадимдан хонанда – созандалар томонидан доимий ишлатилиб келинган. Н.Миронов ўзининг «Ўзбеклар мусиқаси» («Музыка узбеков») китобида халқ ҳофизлари томонидан куйланган қўшиқларда овоз билан ўзига хос глиссандо қилиб куйланиши ва бу халқ тилида «кашиш» деб аталиши айтиб ўтилади.²⁶ Бу усул қашқар рубобда торни бармоқлар билан юқорига кўтариб чалиш усулида амалга оширилади. Бунда бир товушни ўзида бир тонгача пастга ёки юқорига глиссандо қилиб унинг баландлигини ўзгартириш мумкин. Бу тремоло усулида ва якка зарблар усулида ҳам ижро этилади. Юқорига глиссандо қилганда торни юқорига кўтаришни бошлаш билан бир вақтда ўнг қўл билан тор рез ёки якка зарб усулида чалинади. Пастга

²⁶ Н.Миронов «Музыка узбеков». Ўзбекистон давлат нашриёти. Самарқанд. 1929.

глиссандо қилғанда эса тор аввал чап қўл бармоғи билан кўтарилиб тушаётган пайтдан бошлаб мизроб билан чалинади. Бунда кўтарилаётган парда 2- ёки 3- бармоқ билан босилиши, шу пардага ёнма-ён бўлган парда эса 1- бармоқ билан босиб турилиши ва торни кўтарганда 2-, 3- бармоққа ёрдам бериши керак бўлади. Бу усул ниҳоятда мураккаб усуллардан бири бўлиб, кўп машқ қилиш билан бирга кўп эшлишини талаб қиласди. Ўқувчига айнан чалиб кўрсатиб бериш ёки магнит ёзувларидан кенг фойдаланиш керак бўлади. Айниқса, глиссандони қандай интервалга эга бўлиши фақат ижрочининг эшлиши орқали тартибга солинадиган жараён. Бундан ташқари чап қўл бармоқларининг торни сезиш малакасини ўзлаштириш ҳам асосий омилларидан биридир. Чунки, дастлабки ўрганиш даврида бармоқларининг торни сезмаслиги натижасида торлар бармоқлар остидан икки томонга ажralиб чиқиб кетиши ёки торлар бирлашиб қолиб, товушнинг оҳангдорлиги, жаранг ийқолишига сабаб бўлади.

Тошкент Давлат Консерваторияси собиқ профессори С.М.Тахалов қочирилмларни хусусан «кашиш»ни нотага тушириш борасида таҳсинга лойиқ ишларни амалга оширганлар. Шунга қарамасдан ҳозирги қунда ҳам анъанавий ижрочилик амалиётида чолгуларда ўқитиш ва ўргатиш кўпроқ оғзаки анъанада давом этмоқда. Шунинг учун бундай безакларни мукаммал эгаллаш учун ўқитувчи ўқитишнинг дастлабки босқичлариданоқ ўқувчининг эшлиши қобилиятини ривожлантириб бориши керак. Бу ўринда кичик ҳажмли содда ва енгил бўлган халқ куйларини доимий ўкув репертуарига киритиб, мунтазам ва маълум мақсад асосида шугулланиб бориш ўқитишнинг кейинги босқичларида анъанавий ижрочилик маҳоратини пухта эгаллашга замин бўлади.

Қашқар рубоб аппликатураси бобида, кўриб чиққанимиздек анъанавий ижрочиликдаги аппликатура ўзига хос. Бу албатта шу куйни тўлақонли ижросини таъминлаш билан бирга юқоридаги безакларни ижро этиш имкониятларидан келиб чиқади. Бу индивидуал характерга эга бўлиб, ўқувчининг ижро имкониятларига ва касбий тайёргарлигига қараб танланиши мақсадга мувофиқдир.

Юқорида айтиб ўтганимиздек миллий мусиқамизнинг мусиқий безаклари, айнан интонацион аҳамиятга ҳам эга

бўлиб уларни дуч келган жойда қўллаш куйнинг лад тузилмасини ўзгартириб юбориши мумкин. Амалиётда ҳамма шашмақом асарлари ва бошқа ўзбек мумтоз куйлари бундай белгилар билан тўлиқ нотага олинмаган. Нотага олинмаган куйларни яъни нота ёзувида акс эттирилмаган асарларни ўрганишда ва ижро этишда қочиримларни куйни бузмайдиган ёки имкони борича куйни тўлиқроқ очиб берадиган ҳолатда қўллаш мақсадга мувофиқдир. Айрим ўқувчи-созандалар бу безакларни ўзини алоҳида ўзлаштириб оладилар ва кераксиз жойларда қўллайдилар. Бу эса ўқувчининг мукаммал созанда бўлиб етишишида ўзининг салбий таъсирини ўтказиши мумкин.

ИЖРОЧИЛИКНИНГ БАДИЙ ХУСУСИЯТЛАРИ УСТИДА ИШЛАШ

Маълумки, ҳар қандай мусиқа асари бу бадий асар. Уни бадий асар даражасида ижро этиш созандадан пухта билим ва юксак маҳорат талаб қиласи. Ўқитувчи бўлгуси созандани тарбиялар экан унда шу чолғуга нисбатан меҳр уйфота олиши керак. Бунинг учун ўқитишининг дастлабки даврлариданоқ имкони борича шу чолғуда яхши жаранглайдиган, ўқувчига ёқадиган асарларни ўқув режаси таркибига доимий киритиб бориш лозим. Асарлар устида ишлаганда ўнг қўл билан бериладиган ҳар бир зарб орқали яхши товуш ҳосил қилинишига эътибор бериш керак. Чунки, созанда товушишининг кучи ва сифати ижрони бадий ифодалайдиган асосий мезонлардан биридир. Созанданинг ижро техникаси қанчалик юқори бўлмасин, агар у асарнинг бадий хусусиятларини очиб бера олмаса тингловчида яхши таассурот қолдира олмайди. Бунинг учун созанда ўз чолгусини яхши билиши ва ижро услубларининг ифодалилик хусусиятларини яхши эгаллаган, уларни керакли даражада қўллай билиш, ҳамда тиник, оҳангдор товушни ҳосил қила олиши ва уни бошқара билиш каби малакаларни тўлиқ ўзлаштирган бўлиши керак.

Бундай малакаларни ўзлаштириш бирмунча мураккаб бўлиб, муайян вақт талаб этади. Тажрибада ижро техникаси юксак даражада, лекин куйни ҳис қила олмайдиган созандалар учраб туради. Чолгу ижрочилиги синфида ўқитувчи ўқувчи билан шуғулланар экан, ҳар бир машғулотда ўқувчининг мусиқани ҳис қила олиш ва уни сезиш каби нозик туйғуларини узлуксиз равишда тарбиялаб бориши керак.

Ўқув даврида маълум ўқув режасидаги куйларни ўрганиш жараёнида ўқувчининг мусиқий онгини ўстириш, хотирасини

ва ритмни ҳис қилиш ҳамда эшитиш қобилиятларини ҳам тарбиялаб, ривожлантириб боришга алоҳида эътибор қаратилмоғи лозим. Бунинг учун ўқитувчининг ўзи дарс жараёнинг ижодий ёндошиб ўқувчиларни синчиклаб кузатиб бориши ва мақсадга эришишнинг ҳар-хил имкониятларини топиши мумкин. Шулардан айримларини кўриб чиқамиз.

1. Ўқувчига бирон-бир асарни ўқитувчининг ўзи ижро этиб бериб, биргаликда таҳлил қилиш ва ўқувчиларга бадиий томонларини тушунтириб, аниқроқ очиб бериш; асардаги мусиқий жумлаларни образли қиёслаб, уларни ўқувчининг ҳис туйғулари орқали тушунтириб бериш.

2. Магнит тасмаларидаги куй ва қўшиқларни ўқувчилар билан тинглаб, муҳокама қилиш ёки бир асарни қашқар рубобдаги 2-3 хил ижроларини солиштириб, уларнинг фарқларини, камчиликларини ва афзалликларини тушунтириб бериш.

3. Иложи борича дастурдаги асарлар билан бир қаторда ўзбек халқ қуиларидан бирон-бир асарни ҳамма ўқувчилар билан нотасиз, оғзаки анъанада ўрганиш ва чалиш.

4. Ўқув муассасаси доирасида ва ундан ташқаридаги концертларда қатнашиш, ҳамда тинглаш. Концертдан кейин албатта ўқитувчи концерт ижроилигини таҳлил қилиб бериши ва ундаги яхши томонларни ўқувчиларга кўрсатиб бериши ўзининг яхши самарасини беради. Лекин, шунга қарамасдан тажрибали созанда-ўқитувчиларнинг таъкидлашларича ўқувчига тушунтирилаётган мусиқани ўқитувчининг ўзи қандай тушунтирган бўлса шундай ижро этиб кўрсатиб бериши ўқувчининг материални тез ўзлаштиришида энг асосий омилардан биридир.

5. Фақатгина қашқар рубоб асарларини таҳлил қилмасдан, бошқа чолгулардаги ижроларни концертда ёки магнит ёзувларидан эшитиш ва уларни таҳлил қилиш. Худди шу ижродаги асарни қашқар рубоб ижросида эшитиш ва улардаги бадиий ифодалилик имкониятларини, воситаларини ва штрихларни солиштириб кўриш ва таҳлил қилиш, кабилардир.

Биз штрихлар бобида ҳар бир штрих муайян асарда ҳархил характерга эга деб, айтиб ўтган эдик. Европа классиклари асарларини қашқар рубобда ижро, этганда аввало ўқувчи асар

ва асарнинг муаллифи, яратилган даври, жанри ва йўналишини тушуниб етгандагина асарнинг бадиий характеристикини ечиб бера олади. Масалан, Европа классиклари асарларини ижро этганда товуш майин, тиниқ, оҳангдор сифатларга эга бўлиши керак. Бунда зарб мизробнинг ўртаси билан берилиб, чап қўл бармоқлари билан пардаларни аниқ ва қаттиқ босиш керак бўлади. Ўнг қўл ҳаракати амплитудаси қисқа ва енгил бўлса, ўзбек халқ куйлари ва шашмақом намуналарида эса шу зарб ҳарракка нисбатан яқинроқ жойда урилиб, жарангдор, тиниқ товушга эришилади.

72-мисол

Прелюдия

Г. Гендель

73-мисол

Дил қуйласин

М. Мирзаев

Худди шунга ўхшаш триолли штрих ҳам ўзбек рақс қуйларida бутунлай бошқа характеристга эга бўлиб товушларни пастга—тепага уриш тартиби ҳам турлича бўлади. Рус композиторлари ва Европа классикларининг асарлари ёки озарбайжон композиторлари асарларida эса бу штрихнинг характеристи қатъий триоль кўринишига эга бўлади.

74-мисол

Тарантелла

С.Алескеров

Жуда тез



75 - мисол

Кўшиқ ва рақс

Н.Савинов, С.Калонов

Ўргача




Бундан ташқари паузалар ҳам куйнинг мелодик тузилмасида асосий ўрин тутадиган ва стаккато усулида чалинадиган жумлаларда, айниқса ритмнинг жуда аниқлиги талаб этилади.

76 - мисол

Полька пиццикато

И.Штраус

Енгил



77-мисол

Мухаммаси мавлон

Оғир

Ўзбек халқ куйи

Бу ҳам бадиий ифодалиликнинг бир кўриниши бўлиб, шу билан куйнинг характеристи очилади. Аниқ ритмни тарбиялаш ҳар бир ўқувчидаги ҳар-хил кечади. Шунинг учун санаш, метроном ёрдамида ўрганиш, фортепиано жўрлигига ижро этиш, ансамблъ ижрочилигининг турли кўринишларидан (дуэт, трио, квартет) фойдаланиш ва доира жўрлигига маҳсус куйлар ўрганиш ўзининг яхши самарасини беради.

Рез штрихи айниқса жуда ранг-баранг. Биргина ўзбек мусиқасининг ўзида резнинг бир неча турини кўришимиз мумкин. Бухоро, Самарқанд йўналиши куйларидағи резда узлуксизлик, жўшқинлик ва тремоло билан ҳар-хил ритмик кўринишлар чалинишини кўрсак, Фаргона-Тошкент йўлларидағи куйларда бир мунча текис, тиник, жарангдор резларни кўришимиз мумкин. Композиторлар ижодидаги асарларнинг бадиий характеристиридан келиб чиқиб, майнинлик билан ижро этилган рез замгин, маъюс, ўйчанлик каби таъсуротларни қолдирса, бошқа бир асарда худди шу майнин тремоло билан тингловчига ором баҳш этадиган, руҳан хотиржамликка олиб келадиган таъсурот қолдиради.

78-мисол

Элегия

Оғир

M. Бурҳонов

МУСИҚИЙ ТАЪЛИМДА УСТОЗ-ШОГИРД МУНОСАБАТИ

Сўнгги йилларда Республикаизда Ўрта маҳсус ва Олий таълимнинг барча йўналишларида иқтидорли талабалар билан ишлаш, «устоз-шогирд» анъаналарини қайта тиклаш, уни ривожлантириш ва амалиётга кенг татбиқ қилиш борасида муайян ишлар амалга оширилмоқда.

Илм-фан ва техника ўзининг юқори тараққиёт чўққисига эришган, электрон дарслклар, масофадан ўқитиш ҳамда янги инновацион педагогик технологияларнинг ўқув жараёнларига кенгроқ татбиқ этилаётган, компьютер ва интернет тизимининг қамров доираси кундан кун кенгайиб бораётган давр ўқитувчиси қандай бўлиши керак?

XXI аср-ахборот асри деб бежиз айтилмаган. Ҳозирги замон ўқувчилари телевидение, радио ва видео техникалари ҳамда интернет орқали жуда кўплаб ахборотлардан хабардор бўлиш имкониятларига эга бўлганликлари боис, уларнинг фикрлаш доираси жуда кенг. Шунинг учун ҳам ҳозирги замон ўқитувчиси шу ўқувчиларнинг қизиқишлидан хабардор бўлиши, уларнинг мустақил фикрларини эшига билиши ва инобатга олиши шу билан бирга уларнинг хато камчиликларини кўрсатиб тўғри йўлга йўналтириши лозим. Бу борада дарс жараёнига доимо ижодий ёндошиб, дарс ўтиш услубларини ва технологияларини замонавий руҳда ривожлантириб бориши керак.

Ҳар бир ўқитувчининг ўз услубияти бор. Лекин, шунга қарамай ўқитишнинг дастлабки даврлариданоқ ўқувчиларда ўқитилаётган чолфуга нисбатан қизиқиши уйфота олиш муҳимдир. Агар ўқитувчи ўқувчилар ҳурматини қозонган бўлса, шу ўқитувчига бўлган ҳурмат орқали ўқувчидаги ўрганаётган чолғусига меҳр пайдо бўлади.

Чолғу ижрочилиги бүйічә ўқитиши индивидуал харктерга ега бўлганлиги сабабли барча ўқувчиларга бир хил қараб бўлмаслиги ҳаммага маълум.

Ўқувчиларнинг харктери, зеҳни ва қобилияти ҳар хил. Уларнинг баъзилари мусикий қобилиятларини ёшлигиданоқ намоён қилишса, баъзиларини бирмунча кейинроқ кўзга ташланиши мумкин. Баъзилари ўта қобилияти, шу билан бирга жуда шўх, ўйинқароқ бўлишса, айримлари вазмин, ўртача қобилиятли, лекин меҳнатсевар бўлишлари мумкин ва ҳоказо. Ўқувчиларнинг харктерлари қанчалик хилма хил бўлмасин, лекин таълим – тарбиянинг талаблари барчага баробар бўлиб қолаверади. Шунинг учун ҳам айнан ҳар бир ўқувчига алоҳида эътибор жуда мураккаб бўлиб, ўқитувчидан сабр-тоқатни ва ўқувчилар психологиясини чуқур ўрганишни тақозо этади.

Чолғу ижрочилиги ўқитувчиси бошқа фан ўқитувчиларга нисбатан талабаларнинг таълим-тарбияси билан яқиндан шугулланадиган шахс. Чунки индивидуал ишлаш жараёнида ўқитувчи талаба-ўқувчининг барча томонларини чуқур ўрганиб чиқади. Асосий мақсад чолғуда ижро этиш ва унинг сирларини ўрганиш бўлсада, бутун ўқув даври мобайнида (бошланғич мусиқа мактаби, лицей, коллеж ёки олий ўқув юрти ўқув даврида) талаба- ўқувчи билан бўладиган мулоқот ўқувчининг ижобий-салбий томонларини, оиласвий шароитини яқиндан ўрганиб чиқишга имконият яратади.

Шунинг учун ҳам ўқувчидаги салбий сифатларни таълим-тарбиянинг турли шаклларидан фойдаланиб аста-секинлик билан йўқотиб, унинг ижобий сифатларини рағбатлантириб бориш, репертуар танлашда, ижро устида ишлагандা, умуман амалий машғулотлар жараёнида ўқувчининг шу сифатларини инобатга олиб иш кўриш яхши самара беради.

Булардан ташқари ўқувчиларда ёш билан ва ҳар-хил оиласвий шароитлар билан боғлиқ бўлган турли салбий ўзгаришлар юз бериши мумкин. Бундай ҳолатда ўқитувчидан шароитни атрофлича ўрганиб чиқиш, жуда сезгирилик ва эҳтиёткорлик билан иш кўриш талаб қилинади. Ўқувчини рухлантириш, келажакка бўлган ишончини мустаҳкамлаш, уни рағбатлантириш орқали бундай салбий ўзгаришларни олдини олиш мумкин.

Чунки, тажрибада эҳтиётсизлик билан айтилган бирон-бир сўз ёки ножёя ҳаракат туфайли қобилиятли ўқувчиларнинг бу соҳадан умуман узоқлашиб кетишлари ёки ўқитувчига нисбатан, мусиқага нисбатан салбий фикрларга эга бўлиб қолиш ҳолатлари кузатилади.

Ўқувчилар ҳоҳ бошланғич мактабларда, лицей-коллежларда бўлсин, ҳоҳ олий ўқув юртида бўлсин чолғу ижрочилигидан таълим берадиган ўқитувчисига ҳурмат ва ишонч билан қарайди. Бу ишончга ўқитувчи аввало ўзининг юқори даражадагии ижрочилик маҳорати, пухта билими, ўз ишига маъсуллиятлилиги ва маданияти билангина эришиши мумкин.

Ўқитувчи ҳар қандай вазиятларда ҳам ўзининг оқилона фикрлари билан ўқувчиларнинг дикқатига сазовор бўлади. Ўқувчилар олдида бошқа ўқитувчиларга нисбатан салбий муносабатлар билдириш нафақат ўша ўқитувчининг балки ўзининг ҳам обрўсига путур етказади. Аксинча халқимизнинг «устоз-отангдек улуғ» деган нақлига биноан ўқувчи-талабаларни доимо устоз-ўқитувчилар меҳнатини қадрлаб, уларга нисбатан ҳурмат-эътиборда бўлиш кераклигини уқтириб бормоқ керак. Иш жараённада юзага келадиган кўплаб муаммоли ҳолатларда ўқитувчининг фикри ҳақиқий фактларга асосланган ҳолда бўлиши лозим. Бу эса ўқувчининг воқеъликни тўғри таҳлил қилиш ва тўғри фикрлаш, объектив баҳолай олиш каби фазилатларини шаклланишида асосий омиллардан биридир.

Ўқувчилар билан самимий муносабатда бўлиш жуда муҳим аҳамиятга эга. Бундай муносабат ўқувчиларда шу чолғуга нисбатан меҳр ва қизиқиши уйғотади. Натижада ўқувчиларнинг дарс жараённидаги ва мустақил ишлаш жараённидаги фаолликларига имконият яратади.

Аксинча, носамимий бўлган ҳар қандай ҳаракатни ўқувчилар тез илғайдилар. Уларнинг ўқитувчи билан бўлган муносабатида мажбурийлик, ўзларининг ҳақиқий муносабатларини беркитиш ҳолатлари пайдо бўлади.

Ўқитувчи ва ўқувчи ўртасидаги самимий муносабат натижасида ўқувчини қизиқтирган саволлар туфайли ўзаро фикр алмашиш, ўз фикрини мустақил баён қилиш қўнималари шаклланадики, бу чолғу ижрочилик синфида бошланғич мусиқа мактабидан тортиб, олий ўқув юртидаги

ўқув жараёнида нафақат ижрочилик қўникмалари-ю, маълум ижрочилик репертуари устида ишлаш, балки ўқувчи, бўлгуси созанда-муаллимларни ҳар томонлама мусиқавий ривожланишида катта аҳамиятга эга.

Ўқувчи талабаларда пайдо бўладиган ижодий интилишларга, ижодий таклифларга монелик қилиш керак эмас. Аксинча уларни доимо қўллаб- кувватлаб имконият даражасида бундай таклифларни амалга оширишга ҳаракат қилиш, ўқитувчи ва ўқувчи муносабатини янада яхшиланишига олиб келади.

Аввало ўқитувчи ўқувчиларга ўзи ўрнак бўлиши керак. ўқитувчидаги талабчанлик, қатъиятлилик, ҳар бир ишни ўз вақтида бажариши ўқувчиларга ўзининг таъсирини ўтказади. Бундан ташқари ўқувчиларга берилган вазифаларни доимо ўз вақтида бажарилишини талаб қилиш ва назорат қилиш, концертларга, ҳар-хил танловларга тайёрланиш ва уларда иштирок этиш ўқувчилардаги унга қўйилган масъулиятга жавобгарлик ҳиссини тарбиялаб боради.

Бирон бир чолгу ижрочилигидан дарс берадиган ўқитувчи фақат моҳир созанда бўлибгина қолмай, балки, умумий педагогика-психологиядан ва барча замонавий ахборотлардан хабардор бўлиши ҳамда махсус адабиётлар билан қизиқиши, машхур ўқитувчилар тажрибасини ўрганиши, шахсий тажрибасини доимо таҳлил қилиб, умумлаштириб бориши лозим.

Машхур ўқитувчилар ўқитувчилик маҳоратининг муҳим тарафларидан бири, ҳар бир ўқувчидаги яхши хислатни вақтида топиб, унга эътибор бериш билан бирга уларнинг ирода кучига алоқадор бўлмаган камчиликларини юзига солиш ноўрин эканлигини ва умуман ўқувчи-талабалар шахсини ҳақоратлайдиган кўрсатмаларга йўл қўйиб бўлмаслигини таъкидлайдилар.

«Ўқитувчининг дунёқараши, ижрочилик маҳорати, таълим методикаси ва унинг ижрочилик тўғрисидаги фикрлари бўлажак созандани шакллантириш учун ҳал қилувчи восита бўлиб хизмат қиласи. Ўқитувчининг асосий вазифаларидан бири-ўқувчининг билим ва қўникмаларини ўзгартиришига раҳбарлик қилишдир».²⁷

Ўзбек миллий мусиқаси ва ижрочилик санъати бизнинг авлодларимиздан оғзаки анъанада «устоздан-шогирдга» ўтиб, бизгача ўзининг бадиий қимматини тўла сақлаган ҳолда етиб келган.

«Устоз-шогирд» услуби ўзининг қадимий анъаналарига, афзалликларига эга бўлганки, ҳозирги замон чолфу ижроилиги синфида ўқитувчи ва ўқувчи муносабати «устоз-шогирд» анъанасининг замонавий кўриниши десак муболага бўлмас. Демак, ҳозирги замон чолфу ижроилиги ўқитувчиси «устоз-шогирд» услубининг қадимий анъаналарининг сирларидан ҳам бохабар бўлишса фойдадан холи бўлмас эди. Шундай экан ўқитувчи ва ўқувчи муносабати ўқувчи талабанинг оддий шогирдликдан—моҳир созанда даражасига етиб келишида ҳал қилувчи омиллардан биридир.

²⁷ Н.Шарипов «Рубоб примада ижро этишни ўргатиш методикаси» Т. 1990 й.

ҚАШҚАР РУБОБИДА ИЖРОЧИЛИК АМАЛИЁТИ ВА СОЗАНДАЛАР

Тарихий манбаалардан маълумки, мусиқа ижрочилиги санъати жуда қадим даврлардан бўён мавжуд бўлиб, бизгача жуда узоқ тараққиёт йўлини босиб ўтган ҳолда, ўзининг ҳозирги мукаммал кўринишида етиб келди.

Бир қанча ёзма манбааларда минг йиллар давомида мусиқа, мусиқа чолғулари, уларнинг ўзига хос хусусиятлари, ижрочилик санъати, шунингдек моҳир созандалар ҳақидаги қимматли маълумотлар мавжуд.

Ўша даврларда Марказий Осиё, хусусан ҳозирги Ўзбекистон ҳудудида ижрочилик санъати оғзаки анъянада ривожланиб келди.

XX асрнинг 20-30 йилларидан бошлаб мамлакатимизда турли мусиқий ўқув юртлари дастлаб Туркистон Халқ Консерваторияси (1918) ва унинг филиаллари, Тошкент давлат мусиқа билим юрти (1924), Наманган ва Бухоро мусиқа билим юрти (1932), Тошкент Давлат Консерваторияси (1936) ҳамда бир қатор мусиқа мактабларининг ташкил қилиниши ва йиллар давомида аста секин қўплаб ҳар-хил ижодий жамоалар, хусусан ансамбллар, унисон оркестрлар ва ниҳоят кўп овозли профессионал оркестрнинг ташкил этилиши ўзбек халқ чолғулари ижрочилик тарихида янги даврни бошлаб берди.

Айниқса, пойтахтимиздаги кўзга кўринган ансамбллар, оркестрларнинг ижодий фаолияти гуллаб яшнади. Бу даврда ижрочилик санъати ривожланиб, қўплаб ютуқларга эришилди. Энди ўзбек созларининг наволари нафақат Ўзбекистонда балки жуда қўплаб бошқа мамлакатларда ҳам янграй бошлади.

Ўзбек мусиқаси жаҳон саҳналарида намойиш қилиниб, тингловчилар томонидан юксак баҳоланди. Созанда ижрочиларнинг мамлакатимиздан ташқарида бўлиб ўтган танлов ва жаҳон фестивалларида қатнашишлари ҳамда совриндор бўлишлари ижрочилик санъатимизни юқори поғоналарга кўтарди. Ҳусусан, қашқар рубобчи созандалардан Аббос Баҳромов, Эргаш Шукруллаев ва Ари Бобохоновлар жаҳон ёшлар фестивали голиблари бўлишиди.

Ўтган асрда бирин-кетин тузилган Ўзбекистон давлат филармонияси қошидаги «Шодлик», «Лазги», «Гўзал», «Зарафшон» ва «Баҳор» каби ашула ва рақс ансамблари, Т.Жалилов номидаги Ўзбекистон Давлат академик халқ чолгулари оркестри ва Ўзтелерадиокомпанияси қошидаги Ю.Ражабий номли мақомчилар ансамбли, Д.Зокиров номли халқ чолгулари оркестри, ҳамда сўнги йилларда чолғу ижрочилиги санъатига салмоқли ҳисса қўшиб келаётган «Сўғдиёна» халқ чолгулари Давлат камер оркестри ва кўплаб вилоятлардаги турли ашула ва рақс ансамбларининг Ўзбекистонда ва кўплаб хорижий мамлакатлардаги концерт фаолиятларида ижрочилик санъати, жумладан қашқар рубоби ижрочилиги ҳам тарғибот қилиниб, ривожлантириб келинмоқда.

Юқоридаги жамоалар таркибида машҳур рубобчи созандалардан Э.Шукруллаев, А.Баҳромов, Б.Мирзаахмедов, А.Худойқулов, С.Тахалов, А.Бобохонов, Қ.Усмонов, Х.Лутфуллаев, Т.Ражабов, Б.Зиямухамедов, И.Иртаев, Р.Каримов, О.Назаров каби созандалар ижод қилишган ва ижод қилмоқдалар.

Ижрочилик санъатини композиторлар ва бастакорлар ижодисиз тасаввур қилиб бўлмайди. Ўзбекистон композиторларининг қашқар рубобига ёзилган маҳсус асарлари, қашқар рубоби ижрочилигининг янги-янги уфқларини очиб бермоқда.

Бу ўринда композиторлар М.Бафоевнинг қашқар рубоби ва оркестр учун «Поэма», қашқар рубоби ва оркестр учун «Концерт», И.Ҳамроевнинг «Концерт», О.Абдуллаеванинг қашқар рубоб ва оркестр учун «Концерт», Х.Раҳимовнинг «Наврӯз», С.Ҳайитбоевнинг «Баллада», М.Отажоновнинг

қашқар рубоби ва фортепиано учун «Концерт», Т.Азимовнинг «Дурдона» ва машхур рубобчи созандада, бастакор М.Мирзаевнинг ўнлаб асарларини алоҳида таъкидлаб ўтиш ўринлидири.

Таъкидлаб ўтганимиздек, қашқар рубоб ижрочилиги нафақат Ўзбекистонда, балки Хитойнинг Шинжонъ вилояти уйғурлари орасида, қўшни Туркманистон ва Тожикистон давлатларида ҳам мавжуд бўлиб, у ердаги композиторлар ҳам бу борада салмоқли ижод қўлмоқдалар. Тожик композиторлари С.Рустамов, Я.Сабзанов, Д.Дўстмуҳаммедов ва туркман композитори А. Худойназаров ҳамда уйғур композитори А. Усмонларнинг қашқар рубоби учун ёзилган асарлари бизнинг созандаларимиз томонидан ҳам севиб ижро этилади.

Бастакор ва машхур рубобчи созандада М.Мирзаев ўтган асрнинг 50-60 йилларида жуда сермазмун ижод қилди. Уларнинг қашқар рубоби учун яратган ҳар бир асари халқ орасида тез оммавийлашди. Устознинг ҳам бастакор сифатида ҳам созандада сифатидаги сермаҳсул ижоди қашқар рубоби созини ўзбекнинг ҳар бир хонадонига олиб кирди. Қашқар рубобида фарзанди Ш.Мирзаев билан биргаликда ижро этган дуэтлари ўзининг такрорланмас жозибасига эга.

Бастакорнинг айнан қашқар рубоби учун басталаган «Баҳор вальси», «Янги тановор», «Завқим келур», «Файратли қиз», «Марғилон қизлари», «Интизор этма», «Гулруҳ», «Орзу дил», «Дил куйласин», каби ўнлаб мусиқалари, нафақат қашқар рубоби учун ёзилган асарлар репертуарини бойитди, балки қашқар рубоби ижрочилигининг ривожланишига, кенгайишига, ижрочилик маданиятининг юксалишига, қашқар рубобининг янгидан янги ижро имкониятларини очилишига сабаб бўлди.

Қашқар рубобчи созандалардан Э.Шукруллаев ва А.Баҳромовнинг ижоди айниқса таҳсинга сазовордир. Бу созандалар қашқар рубобида икки йўналишда ижро этган ва жаҳон фестивали голиблари бўлиш билан бирга ўзбек санъатини бошقا мамлакатларда намойиш қилган дастлабки рубобчилардандир. Уларнинг собиқ Совет Иттифоқи шаҳарлари бўйлаб гастролларда, Ўзбекистон санъати ва маданияти декадаларида қатнашишлари ва ўша концертларда қашқар рубобида якканавоз тарзда ижро этган куйлари таҳсинга сазовордир.

Муҳаммаджон Мирзаевнинг таниқли шогирдларидан бири Ўзбекистонда хизмат кўрсатган артист Қобилжон Усмонов ўзининг кўп йиллик ижодий фаолияти давомида ижрочилик санъати ривожига салмоқли ҳисса қўшган санъаткорлардан биридир. Дастребаки ёзган «Бошланғич рубоб дарслиги» китоби деярли кейинги авлод рубобчилари учун асосий ўқув қўлланма бўлиб хизмат қилди. Д.Зокиров номли халқ чолгулари оркестридаги қарийиб 40 йиллик фаолияти даврида кўплаб куйларни, турли хил концертларда, телевидение ва радио тўлқинларида ижро этган.

Қашқар рубоби ижрочилигига ўз ўрнига эга бўлган моҳир созанда Адҳам Худойқуловдир. Ўзига хос ижро услубига эга бўлган бу созанда ижро этган ҳар бир куй техник жиҳатдан мураккаблиги, жозибаси ва тўлақонлилиги билан созандалар ва тингловчилар диққатига сазовор бўлган. Республика радиоси фондига ушбу созанда ижросида кўплаб куйлар ёзиб олинган.

Ўзбекистонда кўзга кўринган қашқар рубобчи созандалардан яна бири Ари Бобохоновдир. У М.Ашрафий номидаги Бухоро санъат билим юртидаги ўзининг кўп йиллик педагогик фаолияти давомида кўплаб етук рубобчи созандаларни тарбиялаш билан бирга доимий ижрочилик фаолиятини ҳам олиб борган. Юқорида таъкидлаганимиздек Жаҳон ёшлари фестивали голиби, Республика ёш ижрочилар танлови голиби, собиқ Иттифоқ миқёсида ўтказилган кўплаб мусиқа анжуманларида, санъат декадаларида тингловчилар ҳамда мутахассисларининг олқишиларига сазовор бўлган бу санъаткор, шашмақом ижрочилигини мукаммал әгаллаш билан бирга замонавий композиторлар асарларини ҳам ижро этган созандалардандир. Устознинг қашқар рубоби учун басталаган «Хуррам», «Феруза», «Бухоро гўзали» каби асарлари жуда машҳур бўлиб рубобчиларнинг энг севимли асарларидан бирига айланган. Бир неча бор Германияда ижодий гастролларда бўлиб, немис тингловчилари олқишиларини олган. А.Бобохонов ижросида ёзиб олинган кўплаб куйлар Ўзбекистон радиоси олтин фондидаги сақланмоқда.

Республикамизнинг кўплаб созандалари устози, Тошкент Давлат Консерваториясининг собиқ профессори Сулаймон Тахаловнинг чолгу ижрочилиги санъатига қўшган ҳиссаси

салмоқлидир. С.Тахалов ижрочилик фаолияти билан бир қаторда ўзининг педагогик фаолиятлари давомида Т.Ражабий, Р.Қосимов, И.Эртоев, Б.Мирфаёзов, Б.Эргашев, Р.Каримов, О.Назаров каби ўнлаб етук ижрочи-созандаларни тарбиялади. С.Тахалов ҳам икки йўналиш, яъни ҳам анъанавий ижро йўналишини, ҳам академик ижро йўналишини мукаммал эгаллаган санъаткордир. Унинг ижросидаги куйлар грампластинкаларга ва Ўзбекистон радиоси олтин фондига ёзиб олинган.

Устоз санъаткор М.Мирзаевнинг фарзанди Ўзбекистонда хизмат кўрсатган артист, бастакор, машхур рубобчи созанда Шавкат Мирзаев қашқар рубоб ижрочилигини тинимсиз ривожлантириб, тарғибот қилиб келмоқда. Устознинг ишларини давом эттириб кўплаб куй ва қўшиқлар басталаш билан бирга эл севган хонандалар билан доимий ҳамкорликда фаолият олиб бормоқда. Дунёнинг ўнлаб мамлакатларида ўз санъатларини намойиш этган.

Ўзбекистон телерадиокомпанияси қошидаги мақомчилар ансамблида узоқ вақт ижод қилган устоз М.Мирзаевнинг шогирдларидан яна бири Турғун Авазов ҳам кўзга кўринган моҳир рубобчилардандир. Унинг ёрқин ижрочилик маҳоратлари ўзига хос бўлиб қашқар рубобида ижро этган кўплаб «Шашмақом» намуналари Ўзбекистон радиоси олтин фондига сақланмоқда.

Истеъодли рубобчи Ўзбекистонда хизмат кўрсатган артист Тоҳир Ражабийнинг ижро услуби улардан фарқ қиласди. У академик йўналиш билан бир қаторда анъанавий ижро йўналишларини пухта эгаллаган санъаткорлардан биридир. Уларнинг ижросида 100 дан ортиқ куй ва қўшиқлар ҳамда композиторлар асарлари якка рубоб ижросида, ансамбллар, халқ чолгулари оркестри ва эстрада симфоник оркестри жўрлигига магнит ленталарига ёзилиб, Ўзбекистон радиоси олтин фондига сақланмоқда. Т.Ражабий Венгрия, Германия, Россия каби давлатларда гастролларда бўлиб, ўзларининг моҳирона ижролари билан тингловчилар олқишишларини олган.

Академик услуг ижрочиси Баҳодир Зиямухаммедов Ўзбекистон давлат филармонияси қошидаги Т.Жалилов номли халқ чолгулари оркестрида ва Тошкент давлат консерваториясида узоқ йиллар самарали ижодий, педагогик фаолият олиб

борган таниқли рубобчи ва кўплаб шогирдларни тарбиялаган устозлардан биридир. Оркестр жамоаси таркибида кўплаб гастрол-концертларда, декадаларда қатнашиб, яккахон ижрочи сифатида ўз санъати орқали рубоб ижроилигини тарғибот қилган.

Қашқар рубоби ижроилигига салмоқли ижод қилган яна бир созанда бу Ҳусан Набиев бўлиб, ҳозирги кунда Ўзбекистон Консерваториясида ёшларга ижроилик санъатидан таълим бериб келмоқда. У ижро этган қўплаб куйлар Ўзбекистон радиоси олтин фондидан жой олган.

Шашмақом асарларини қашқар рубобида юксак маҳорат билан ижро этган рубобчи Рифатилла Қосимовдир. Ҳозирги кунда Ўзбекистон Консерваторияси анъанавий ижроилик кафедраси раҳбари, профессор Р. Қосимов қашқар рубоби учун яратилган бир нечта ўқув қўлланмалари муаллифидир. У 1983 йилда бўлиб ўтган 1-мақомчилар Республика танлови голиби. Рубоб ижроилигини Италия, Франция, Япония каби мамлакатларда намойиш этган. Р. Қосимов ижро этган асарлар ўзининг ёрқинлиги ва жозибадорлиги билан алоҳида ажралиб туради. Унинг ижросида шашмақом асарлари грампластинкага ва Ўзбекистон радиоси олтин фондига ёзиб олинган.

Мусиқа мактабида ёшларга тарбия бериш билан бирга ижроилик фаолиятини ҳам олиб боган ва ижроиликда ўз ўрнига эга бўлган Муродилла Норқулов етук рубобчилардан бири эди. У кўп йиллар мобайнида Ўзбекистон давлат филармонияси қошидаги «Зарафшон» ашула ва рақс ансамблида фаолият олиб борган.

Умрининг охиригача изланиб, самарали ижод қилган моҳир созандалардан яна бири Абдулҳамид Мирҳамидов бўлиб, рубоб, соз, манзур каби чолгуларда ансамбль, оркестрлар жўрлигига бир қанча куйларни маромига етказиб ижро этган. Созандалар ва тингловчилар томонидан юқори баҳоланган ҳамда доимо севиб тингланадиган бу ёзувлар Ўзбекистон радиоси олтин фондидан жой олган.

Ўзбекистонда хизмат кўрсатган артист Замира Раҳматуллаева F. Тошматов номли дуторчилар ансамблида узоқ йиллардан бери ижод қилиб келаётган созандалардан бири. Санъаткор ўз ижоди билан ижроилик санъати ривожига муносиб ҳиссаларини қўшган аёл рубобчилардандир.

Ўзбекистон давлат консерваториясида ёшларга таълим бериб келаётган мураббий, моҳир рубобчи Баҳодир Мирфаёзов ижоди ўзига хосдир. У Т.Жалилов номли ўзбек халқ чолгулари оркестрида самараали ижоди билан қўплаб концертларда тингловчилар эътиборини қозонган.

Тоҳир Турғунов кўп йиллардан буён Ўзтелерадиокомпания қошидаги Д.Зокиров номли халқ чолгулари оркестрида, кейинчалик «Тановор» ансамбли ва Ю.Ражабий номли мақом ансамблида тинимсиз ижодий фаолият олиб борган рубобчи созандалардан биридир. Бу созанда ижросида бир қанча асарлар Республика радиоси олтин фондига ёзиб олинган.

Ўзбекистон телерадиокомпанияси қошидаги халқ чолгулари ансамблида кейинроқ, Д.Зокиров номли халқ чолгулари оркестрида ижод қилган созанда Шамсиддин Нуриддинов ўз ижодлари билан кўзга кўринган рубобчилардан ҳисобланади. Созанда томонидан бир қанча бастакорлар асарлари нотага олинган ва магнит тасмаларига туширилган.

Республика танлови совриндори, кўзга кўринган созандалардан яна бири Рустам Каримовдир. Ўзтелерадиокомпания қошидаги Д.Зокиров номли халқ чолгулари оркестрида кўп йиллар давомида салмоқли ижод қилган бу санъаткор ижросида ҳам қўплаб асарлар магнит ленталарига ёзилган. Ижодий сафарларда Франция, Қозогистон, Германия каби давлатларда гастролларда бўлиб, ўз санъатини намойиш этган.

Ўзтелерадиокомпания қошидаги Ю.Ражабий номли мақом ансамбли созандаси Равшан Абдуазимов устозлар анъаналарини давом эттироқда. У ижрочилик санъати сирларини ўрганиб, уни ривожлантиришда ўз ҳиссасини қўшиб келаётган ёш санъаткорлардан бири. Ижрочилик фаолияти билан бир қаторда ёшларга санъат сирларини ҳам ўргатиб келмоқда.

Ҳамза номидаги Тошкент давлат мусиқа коллежида ёшларга рубоб чалиш сирларини ўргатиб келаётган ёш мураббийлардан яна бири Республика мақом ижрочилари танлови голиби Мансур Воисов. Анъанавий йўналишда юқори маҳоратга эга бўлган бу созанда бугунги кунда устоз рубобчилар ишини давом эттириб келмоқда.

Айтиш жоизки, қашқар рубоби ижрочилигининг ривожланишига Республика миқёсида ўтказилган ёш созанда ижрочилар Республика танлови ва Республика мақом ижрочилари қўрик танловларининг аҳамияти катта бўлди. Бу ўтказилган танловлар натижасида кўплаб қуйидаги танловлар совриндорлари, моҳир созандалар етишиб чиқдилар:

Бундан ташқари 1983 йилдан мунтазам ўтказилиб келинаётган Республика мақом ижрочилари танловларида Р.Қосимов, Н.Лутфуллаев, Ў.Оллоберганов каби ўнлаб рубобчи созандалар юқори ўринлардан жой олганлар.

Созандалардан М.Мирзаев, А.Бобохонов, Т.Ражабов, С.Тахалов, Р.Қосимовлар ижро услуби алоҳида мактаб даражасига қўтирилдики, ҳозирги кунда ижрочиликда асосан шу йўналишларни кузатишимиш мумкин.

Мазкур қўлланмада ёритилган ўқитиш услубиёти, ижро услублари, ижро безаклари каби кўплаб масалалар асосан ҳозирги кунда қўлланиб келинаётган устозлар ижро йўналишлари ҳамда ижрочилик тажрибалари асосида ёндошилди.

ҚАШҚАР РУБОБИДА ИЖРО ЭТИШГА ТАВСИЯ ЭТИЛАДИГАН АСАРЛАР РҮЙХАТИ

Куйида қашқар рубобида ижро этиладиган асарлар рўйхати тегишли қисмларга ажратиб, намуна сифатида келтирилди. Асарларнинг нота матнлари, қашқар рубоби учун яратилган кўплаб дарслик ва тўпламларда, шу билан бирга турли тўпламларда, хусусан скрипка, домра ва балалайка учун хрестоматияларда нашр қилинган. Лекин, ўзбек халқ куйлари ва бастакорларнинг доира жўрлигига ижро этиладиган асарлари, ҳамда шашмақом ва мақом йўлида чалинадиган куйларнинг нота матнлари мавжуд бўлмай, уларнинг магнит тасмаларига ёзилган намуналари Республика радиоси олтин фондида сақланмоқда. Бу асарларнинг айримлари маҳсус рубоб учун яратилган бўлса, баъзилари ашулалардир. Улар созандалар томонидан чолғу куйлари сифатида ҳам якка созларда севиб ижро этилади. Нота матнлари бўлмасада, рубобчи созандалар томонидан доимий ижро этиб келинаётганлиги боис, бу асарлар ҳам ушбу рўйхатга киритилди.

I. Ўзбек халқ куйлари

1. Қашқарча.
2. Яллама ёрим.
3. Андижон полькаси.
4. Ёввойи Тановар.
5. Қари наво.
6. Фарғонача.
7. Фарғонача рез.
8. Алиқамбар.
9. Шароп I.
10. Гулбаҳор ва Тановар.

11. Дилхирож.
12. Уфори санам.
13. Роҳат.
14. Галдир.
15. Сояи.
16. Ҳожиниёз I-II-III.
17. Муножот I-II-III.
18. Адолат Тановари.
19. Курд.
20. Ёлғиз.
21. Қайтарма.
22. Норим-норим.
23. Шафоат.
24. Эй, чехраси тобоним.
25. Гиря I-II.
26. Кўча боби I.
27. Сабоҳ.
28. Ражабий.

II. Бастакорлар ижодига мансуб (доира жўрлигига) ижро этиладиган асарлар

1. А.Бобохонов – «Хуррам»
2. А.Бобохонов – «Феруза»
3. А.Бобохонов – «Бухоро гўзали»
4. М.Мирзаев – «Интизор этма»
5. М.Мирзаев – «Гулноз»
6. М.Мирзаев – «Орзу дил»
7. М.Мирзаев – «Дил куйласин»
8. М.Мирзаев – «Эй гул»
9. М.Мирзаев – «Гулрух»
10. М.Муртазоев – «Таманно»
11. М.Муртазоев – «Бир ишва билан»
12. М.Муртазоев – «Фарона тонг отгунча»
13. Ф.Содиков – «Бўл менга маҳбуб»
14. Ф.Содиков – «Кўрсатмагай»
15. Ф.Содиков – «Гул фасли»
16. Ф.Содиков – «Фаввора»

17. Т.Жалилов – «Бизнинг айвон»
18. Т.Жалилов – «Үргилай»
19. Т.Жалилов – «Үйнасин»
20. Т.Жалилов – «Гулистоним менинг»
21. К.Жабборов – «Наззора қил»
22. К.Жабборов – «Этмасмидим»
23. К.Жабборов – «Бу күнгүл»
24. Ж.Султонов – «Гулузорим қани»
25. Ж.Султонов – «Оҳ ким»
26. Ж.Султонов – «Үлмасун»
27. Ж.Султонов – «Найлайин»
28. Ф.Тошматов – «Осмондаги юлдузни»
29. Ф.Тошматов – «Гулжамол»
30. Ф.Тошматов – «Кезарман»
31. О.Хотамов – «Қаро бўлибдур»
32. О.Хотамов – «Бизни шайдо»
33. Ю.Ражабий – «Эшвой»
34. Ю.Ражабий – «Куйгай»
35. Ю.Ражабий – «Тўлқин»
36. Ф.Мамадалиев – «Кетсам агар»
37. Ф.Мамадалиев – «Кўнгил»
38. А.Исмоилов – «Тонг»
39. А.Исмоилов – «Ойбулоқ»
40. Ҳ.Абдулазиз Абдурасулов – «Қўшчинор»
41. Ҳ.Абдулазиз Абдурасулов – «Гулузорим»
42. Р.Турсунов – «Шаҳло»
43. Р.Турсунов – «Шўхи пари»
44. М.Левиев – «Файратли қиз»
45. М.Левиев – «Үрик гуллаганда»
46. С.Йўлдошев – «Ором»
47. Г.Рўзибоев – «Феруза»
48. Н.Хасанов – «Табриклайман»
49. М.Ниёзов – «Раъно ўйнасин»
50. Д.Зокиров – «Эй сабо»
51. Ҳ.Тўхтасинов – «Билиб бўлмас»
52. С.Калонов – «Армуғоним»
53. С.Тўхтасинов – «Айлагач»
54. Ф.Содиков – «Ўзбекча вальс»

III. Фортепиано жүрлигіда ижро этиладиган ўзбек композиторлари асарлари

1. Ўзбек халқ қуи – «Дутор баёти» Ф.Васильев, Э.Шукруллаев қайта ишлаган.
2. Ўзбек халқ қуи – «Чаманда гул». Б.Гиенко қайта ишлаган, Р.Ибрагимов қашқар рубобига мослаштирган.
3. Ўзбек халқ қуи – «Бўғмача билагим». Р.Ибрагимов нотага олган ва қайта ишлаган.
4. Афғон халқ қуи – «Жалолобод». Р.Ибрагимов иккита рубоб ва фортепиано учун қайта ишлаган.
5. Уйғур халқ қўшиқлари асосида – «Қўшиқ ва рақс». Р.Ибрагимов қайта ишлаган.
6. Хоразм халқ қуи – «Қорадали». С.Ҳайитбоев қайта ишлаган.
7. С.Жалил қайта ишлаган – «Араб рақслари». А.Юргаев рубоб учун мослаштирган.
8. Уйғур халқ қўшиғи – «Она орзуси». Р.Қипчоқов қашқар рубоб ва фортепиано учун мослаштирган.
9. Ўзбек халқ қуи – «Шунисида бир гап бор». Э.Шукруллаев қайта ишлаган.
10. Тожик халқ қуи – «Найрез». Б.Гиенко қайта ишлаган
11. И.Акбаров – «Гуллола»
12. М.Левиев – «Оҳангарон»
13. Т.Азимов – «Дурдона»
14. Д.Зокиров – «Зайнаб ва Омон» операсидан «Рақс»
15. Д.Зокиров – «Кўрмадим»
16. Ф.Содиқов, Р.Глиэр – «Лайли ва Мажнун» операсидан «Рақс».
17. М.Саутов – «Қўшиқ ва рақс».
18. М.Мирзаев, В.Васильев – «Уйғурча қўшиқ ва рақс».
19. С.Ҳайитбоев – «Баллада».
20. М.Мирзаев – «Завқим келур».
21. М.Мирзаев – «Баҳор вальси».
22. М.Мирзаев – «Шодлик».
23. М.Мирзаев – «Янги тановор».
24. М.Мирзаев – «Марғилон қизлари».
25. Ф.Назаров – «Ёшлик».

26. Ф.Назаров – «Пахтаой».
27. Э.Шукрулаев – «Баҳор».
28. Ҳ.Раҳимов – «Наврӯз».
29. Т.Жалилов – «Отмагай тонг» Р.Қипчоқов қашқар рубоби ва фортепиано учун мослаштирган.
30. Ж.Султонов – «Раққосасидан» Р.Қипчоқов қашқар рубоби ва фортепиано учун мослаштирган.
31. Қ.Комилов – «Наргиза».
32. Қ.Комилов – «Моҳим».
33. И.Раҳимов – «Сабо».
34. Н.Норхўжаев – «Ҳаракатда баракат».
35. Н.Норхўжаев – «Хиргойи».
36. С.Юдаков – «Теримчилар қўшиғи».
37. Қ.Қодиров – «Рақс».
38. Ҳ.Раҳимов – «Вальс».
39. Г.Собитов – «Рақс».
40. Ҳ.Раҳимов – «Тарона».
41. М.Бафоев – «Гуллар рақси», «Умар Хайём» операсидан.
42. Ф.Алимов – «Рақс».
43. Т.Жалилов – «Нурхон арияси». «Нурхон» мусиқали драмасидан. А.Юргаев қайта ишлаган.
44. С.Жалил – «Учта шарқона куй».
45. Н.Савинов, С.Калонов – «Қўшиқ ва рақс».
46. Д.Зокиров – «Жазоир».
47. М.Ашрафий – «Фарғонача рақс».
48. Г.Қўчқоров – «Гул фунча».
49. Г.Қўчқоров – «Интизор».
50. С.Карим-Хожи – «Фазал».
51. М.Бафоев – «Поэма» қашқар рубоби ва фортепиано учун.

IV. Шашмақом ва мақом йўлидаги куйлар

1. «Наврӯзи ажам».
2. «Ажам тароналари» I-II.
3. «Мушқулоти Дугоҳ».
4. «Мушқулоти Дугоҳ талқинчаси».
5. «Самои Дугоҳ».
6. «Таржеъ Наво».

7. «Таснифи Дугоҳ».
8. «Гардуни Дугоҳ».
9. «Наво», «Савти Наво», «Чархи Наво».
10. «Мухаммаси Бузрук».
11. «Мухаммаси Насруллои».
12. «Мухаммаси Баёт».
13. «Нағмаи Орази Наво».
14. «Сарахбори Дугоҳ» VI – таронаси.
15. «Ҳафиғи Сегоҳ».
16. «Гардуни Сегоҳ».
17. «Насри Сегоҳ»
18. «Чапандози Баёт».
19. «Чоргоҳ» I-II
20. «Чапандози Мұхайяр».
21. «Мухаммаси ушшоқ».
22. «Садри Гусванд».
23. «Сегоҳ».
24. «Баёт».
25. «Чапандози Баёт»
26. «Дугоҳ Ҳусайній».

V. Чет эл композиторлари асарларидан намуналар

1. Н.Бакланов – «Хоровод».
2. М.Глинка – «Полька».
3. Л.Боккерини – «Менуэт».
4. М.Аҳмедова – «Она».
5. М.Хусайнли – «Жўжаларим».
6. Ф.Амирор – «Эрталаб» кинофильмидан «Аслан қўшиги».
7. Ф.Гендель – «Прелюдия».
8. Ф.Шуберт – «Серенада».
9. С.Рахманинов – «Италянча полька».
10. Г.Артемовский – «Рақс».
11. В.Обер – «Танбурин».
12. А.Бобоев – «Чоргоҳ».
13. Н.Раков – «Прогулка» («Сайр»).
14. Н.Нариманидзе – «Давлuri».
15. П.Чайковский – «Русча рақс».

16. В.Глюк – «Мелодия».
17. П.Чайковский – «Куз қүшиғи».
18. Э.Дженкинсон – «Рақс».
19. А.Хачатуян – «Вальс». А.Лермонтовнинг «Маскарад» драмасига ёзган мусиқасидан.
20. В.Глазунов – «Испанча серенада».
21. З.Палиашвили – «Лекурий».
22. А.Аветисов – «Жок».
23. В.Монти – «Чардаш».
24. М.Огинский – «Полонез».
25. Н.Нариманидзе – «Грузинча рақс».
26. Ц.Кюи – «Тўхтовсиз ҳаракат».
27. М.Де Фалья - «Испанча рақс».
28. Ж.Бизе – «Кармен» операсига муқаддима.
29. А.Калинкин – «Украинча фантазия».
30. В.Моцарт – «Кичик серенада».
31. И.С.Бах – Ш.Гуно – «Аве Мария».
32. С.Алескеров – «Тўхтовсиз ҳаракат».
33. С.Алескеров – «Тарантелла».
34. В.Моцарт – «Рондо».
35. И.Брамс – «Венгерча рақс» № 2, № 5.
36. А.Герай – «Бахчакюрд».
37. Н.Римский-Корсаков – «Арининг парвози». «Шох Салтан ҳақида эртак» операсидан.
38. А.Хачатуян – «Қиличбозлар рақси».
39. Н.Паганини – «Венецианча карнавал».
40. С.Цинцадзе – «Сочидао».
41. С.Хамраев – «Ҳиндча рақс».
42. У.Хожибеков – «Рақс». «Гўрўгли» операсидан.
43. Е.Авксентьев – «Урал оҳанглари».
44. С.Туликов – «Каприччио».
45. В.Калинников – «Русча интермеццио».
46. М.Мусоргский – «Гопак». «Сорочинская ярмарка» операсидан.
47. П.Чайковский – «Романс».
48. Г.Ризаев – «Рапсодия».
49. Ф.Гендель – «Пассакалья».
50. А.Дворжак – «Юмореска».

51. В.Яковлев – «Концерт-фантазия». Куба оҳанглари асосида.
52. Э.Женкинсон – «Рақс».
53. Ж.Санайе – «Адажио ва аллегретто». Соль минор сонатасидан.
54. И.Альбенис – «Астурия».
55. П.Сарасате – «Интродукция ва тарантелла».
56. К.Сен-Санс – «Интродукция ва рондо каприччиозо».

VI. Йирик шаклдаги асарлар

1. О.Ридинг – «Концерт» си минор. Скрипка ва фортепиано учун.
2. А.Вивальди – «Концерт» ля минор. Скрипка ва фортепиано учун учун.
3. И.С.Бах - «Концерт» ля минор. Скрипка ва фортепиано учун.
4. У.Хожибеков – «Фантазия № 2» I, II қисмлар. Тор ва фортепиано учун.
5. Ҳ.Ҳонмамедов – №1, №2, №3 Концертлар. Тор ва симфоник оркестр учун.
6. С.Алескеров - №1 Концерт. Тор ва симфоник оркестр учун.
7. С.Алескеров – «Сонатина». Тор ва фортепиано учун.
8. В.Моцарт – «Соната №5». Скрипка ва фортепиано учун.
9. Ф.Гендель – «Соната №6». Скрипка ва фортепиано учун.
10. П.Сарасате – «Концерт-фантазия» Ж.Бизенинг «Кармен» операси мавзулари асосида.
11. П.Чайковский – «Рококко» темасига вариация. Виолончель ва фортепиано учун.
12. Н.Паганини – «Каприс № 24».
13. Ф.Лист – «Венгерча рапсодия» № 2, № 6.
14. Э.Григ – «Соната № 2». Скрипка ва фортепиано учун.
15. А.Усмон – «Концерт – фантазия». Қашқар рубоби ва оркестр учун.
16. Д.Дўстмуҳаммедов – «Концерт». Қашқар рубоби ва оркестр учун.
17. Л.Бетховен – «Соната №5». Скрипка ва фортепиано учун.
18. Ф.Амиров – «Мугам – поэма». Тор ва оркестр учун.

19. В.Моцарт – «Концерт» Ре мажор. Скрипка ва фортепиано учун.
20. А.Хачатуян «Концерт» Скрипка ва фортепиано учун
21. Д.Кабалевский «Концерт» Виолончель ва фортепиано учун.
22. М.Отажонов. Қашқар рубоби ва фортепиано учун концерт.
23. М.Отажонов. Афғон рубоби ва фортепиано учун концерт.
24. И.Ҳамроев – «Концерт» Қашқар рубоби ва фортепиано учун.
25. Ҳ.Раҳимов – «Концерт» Қашқар рубоби ва фортепиано учун.
26. О.Абдуллаева –«Концерт» Қашқар рубоби ва фортепиано учун.
27. М.Бафоев – «Концерт» Қашқар рубоби ва фортепиано учун.
28. В.Зудов – «Концерт» Қашқар рубоби ва фортепиано учун.

ҚАШҚАР РУБОБИ УЧУН ЯРАТИЛГАН ДАРСЛИК ВА ЎҚУВ ҚҮЛЛАНМАЛАР

1. Ф.Н.Васильев. «Рубоб дарслиги». Т., «Ўқитувчи» 1963.
2. Ф.Н.Васильев. «Қашқар рубоби учун гамма ва арпеджио аппликатураси». «Ўқитувчи», Т., 1978.
3. К.Усмонов. «Бошланғич рубоб дарслиги». Т., «Ўқитувчи» 1975.
4. К.Усмонов. «Бошланғич рубоб дарслиги». 2-нашр. Т. «Ўқитувчи» 1995.
5. К.Усмонов. «Бошланғич рубоб дарслиги». F.Фулом номидаги нашриёт-матбаа ижодий уйи, Т., 2004.
6. Б.Мирзаҳмедов, К. Усмонов, В.Ташхўжаев. «Рубоб дарслиги». Т., «Ўқитувчи» 1984.
7. А.Умаров, О.Холматов «Ўзбек халқ чолғу асбоблари бўйича хретоматия». Т., «Ўқитувчи», 1983 й.
8. А.Варелас. «Пьесы для узбекских народных инструментов с фортепиано». Т., 1988.
10. Ҳ.Нурматов. «Рубоб дарслиги». Т., «Ўқитувчи». 1993.
11. Ҳ.Нурматов. «Қашқар рубоби тароналари». Т., F.Фулом номидаги адабиёт ва санъат нашриёти. Т. 1989.
12. Ҳ.Нурматов. «Рубоб дарслиги». F.Фулом номидаги нашриёт-матбаа ижодий уйи, Т., 2003.
13. Р.Қосимов. «Анъянавий рубоб ижрочилиги». Т. «Ўзбекистон». 1999.
14. Р.Қосимов. «Рубоб наволари» Т., 1993.
15. Ҳ.Набиев. «Муножот» (Қашқар рубобига мослаштирилган ўзбек халқ қуйлари) Халқ ижодиёти ва маданий-маърифий ишлар республика маркази. Т., 1993.
16. С.Ҳайитбоев. «Напевы кашкарского рубаба». Т., 1983.
17. С.Усмонов. «Рубоб тароналари». Т., «Ўқитувчи», 1983.
18. С.Ҳайитбоев. «Рубоб тароналари». Т. 1994.
19. Р.Ибрагимов. «Қашқар рубоби учун қуйлар» (қўллэзма).
20. Ш.Шорахметов. «Мақом йўлларидағи машқлар ва қуйлар тўплами». «Билим» нашриёти, Т., 2005.

ФОЙДАЛАНИЛГАН АДАБИЁТЛАР РЎЙХАТИ

1. И.А.Каримов «Истиқдол ва маънавият» Т. «Ўзбекистон» 1994.
2. Ўзбекистон Республикасининг «Таълим тўғрисида»ги Қонуни. «Халқ сўзи» 1997-йил 30 сентябрь.
3. Республикада мусиқий таълимни, маданият ва санъат ўқув юртлари фаолиятини яхшилаш тўғрисида; Ўзбекистон Президентининг Фармони. Т. 1997.
4. Акбаров И.А. «Музика лугати». F.Фулом номидаги адабиёт ва санъат нашриёти. 1987.
5. Васильев Ф.Н. «Қашқар рубоби учун гамма ва арпеджио аппликатураси». Т. Ўқитувчи, 1978.
6. Вызго Т.С. «Ўрта Осиё мусиқа чолгулари». Тарихий очерк. М. 1980.
7. Евдокимов Ю, Аҳмедов И. Русча-ўзбекча қисқача музика терминлар лугати. Т., «Ўқитувчи» – 1970.
8. Иргашев F. «Гуллар рақси». F.Фулом номидаги адабиёт ва санъат нашриёти. Т. 1983.
9. Кароматов Ф. «Узбекская инструментальная музыка». М. «Музыка», 1987.
10. Методические записи шк.им. Успенского. (Мақолалар тўплами). F.Фулом номидаги нашриёти. Т. 1992.
11. Миронов Н. «Музыка узбеков». Ўзбекистон давлат нашриёти. Самарқанд. 1929.
12. Назаров А.К. «Бас дутор дарслиги» Т. Ўқитувчи 1983.
13. Назиров К. «Ойбулоқ» Т.1993.
14. Нематилло Маъжозий «Тавориҳи мусиқийн». Пекин миллатлар нашриёти. Пекин, 1982.
15. Одилов А. «Ўзбек халқ чолгуларида ижрочилик тарихи» Т. «Ўқитувчи» 1995.
16. Петросянц А. «Чолгушунослик» З-нашри Т. 1990.

17. Ражабов И. «Мақомлар масаласига доир» Т. 1963.
18. Расултоев Ж. «Ўзбек дутор ижрочилиги» Т. «Ўқитувчи». 1997.
19. Семёнов. «Среднеазиатский трактат о музыке» Т. 1946.
20. Тахалов С.М. «Афғон рубобини чалишга ўргатиш методикаси асослари». Т. 1983.
21. Турсунжон Латип «Уйгур чолғу асбоблари» Шинжонъ Университети нашри. 1997.
22. «Уйгур мақомининг алоҳидалиги» Шинжонъ халқ нашриёти. 1995.
23. Усмонов Қ. «Бошланғич рубоб дарслиги». Т. 1995.
24. Фитрат А. «Ўзбек классик мусиқаси ва унинг тарихи». Т. 1993.
25. Шарипов Н. «Рубоб примада ижро этишни ўргатиш методикаси» Фоғур Фулом номидаги адабиёт ва санъат нашриёти. Т. 1990.
26. Қосимов Р. «Рубоб наволари» Т. 1993.
27. Қосимов Р. «Анъянавий рубоб ижрочилиги». Т. 1999.
28. Крунтяева Т.С, Молокова Н.В. «Словарь иностранных музыкальных терминов» Л. «Музыка». 1987.

МУНДАРИЖА

Муаллифдан	4
Қашқар рубоби ҳақида маълумот	7
Қашқар рубобида ижрочилик таълими	14
Рубобни ушлаш ва товуш ҳосил қилиш кўникмаларини шакллантириш	16
Чап қўл бармоқлари	
ҳаракатларини ўзлаштириш	21
Штрихлар ва уларни ижро этиш усуллари	28
Қашқар рубобида позициялар ва уларнинг аҳамияти	42
Аппликатура ва унинг кўлланиши	48
Гаммалар ва машқлар. Уларнинг ўқув жараёнидаги ўрни	52
Мусиқий безаклар ва уларни ижро этиш усуллари	64
Ижрочиликнинг бадиий хусусиятлари устида ишлаш	77
Мусиқий таълимда устоз-шогирд муносабати	82
Қашқар рубобида ижрочилик амалиёти ва созандалар	87
Қашқар рубобида ижро этишга тавсия этиладиган асарлар рўйхати	95
Қашқар рубоби учун яратилган дарслик ва ўқув кўлланмалар	104
Фойдаланилган адабиётлар рўйхати	105

ОДИЛЖОН НАЗАРОВ

ҚАШҚАР РУБОБИДА ҮҚИТИШ УСЛУБИЁТИ

*(Маданият ва санъат лицей, коллежларининг талабалари ва
ўқитувчилари учун ўқув-услубий қўлланма)*

Муҳаррир *С.Раҳмонова*
Техник муҳаррир *Ш.Умаров*
Компьютерда тайёрловчи *Бахтиёр Ашуроев*

Босишига рухсат этилди 03.03.2008.
Бичими 60x84 $\frac{1}{16}$. Офсет босма.фсет қоғоз
Шартли б.т. 7,0. Адади 500 нусхада.

«Offset Print» МЧЖ босмахонасида босилди.
Тошкент ш., Б.Иноятов кўчаси, 20 а.
Буюртма № 48.